

TIBVLLVS,
M. ANTONII MVRETI
IN EVM SCHOLIA,

Ad Torquatum Bembum
Petri F.



VENETIIS, M. D. LXII.


TIRVIA

M. A. T. O. N. I. V. E. T. T.

IN F. A. S. S. E. M. E. N. T. A.

Ad Tergestrum Romanum

Item I.



V. N. E. T. T. I. S. T. I. L. I. A.

M. ANTONIVS MVRETVS²

TORQVATO BEMBO

PETRI F. S. D.

MAGNA felicitate mihi carere uideor,
TORQVATE BEMBE, quòd
M non ita mature in Italiam uenerim, ut
patrem tuum, uirum immortalitate di
gnissimum, uidere, atque alloqui pos
sem. nam et incredibilem quandam uoluptatem hausis
sem ex illius herois aspectu, qui aut solus, aut præci
pue effecerat, ut ne hæc ætas superioribus sæculis inui
deret: & effecissem, nisi ualde fallo, ut ipse me, pro
humanitate illa, qua complectebatur omnes, in quibus
esset aliqua non alieni a Musis ingenij significatio, non
usquequaque sibi despiciendum putaret. Nunc, quan
do id, quod cuperem, consequi nullo modo possum: cer
te quidem id, quod proximum est, sedulo facio: colo,
quacunque ratione licet, memoriam illius: et cum in
omni sermone, tum in scriptis meis, libentissime facio,
ut eum laudem, qui mihi neque a me, neque a quo
quam satis laudari posse unquam uidetur. neque uero
ita sum amens, ut ad gloriam ipsius quicquam meo te
stimonio posse adijci censeam. Sed ita plane iudico: ut
deus, qui nullius præconio indiget, laudari se tamen
ab hominibus uult: sic beatas illas mentes, in cælum
receptas, et cum Deo coniunctas, gaudere, cum se a no
bis coli ac celebrari uident. ergo perinde ac si huius rei
sensus ad Petrum ipsum Bembum peruenturus sit, ita de

ALBII TIBULLI,
EQVITIS ROMANI

LIBER I.

IVITIAS alius fuluo sibi congerat auro, *vid: fol: 40*
Et teneat culti iugera magna soli, - *40*
Quem labor assiduus uicino terreat hoste,
Martia cui somnos classica pulsa fugent.
ibid:
Me mea paupertas uitæ traducat inerti,
Dum meus assiduo luceat igne focus.
ibid:
Ipse seram teneras maturo tempore uites
Rusticus, & facili grandia poma manu. *ibid:*
Nec spes destituat, sed frugum semper acervos *ibid:*
Præbeat, & pleno pinguiâ musta lacu.
Nam ueneror, seu stipes habet desertus in agris. *ibid*
Seu uetus in triuio floridaserta lapis. *ibid*
Et quodcunque mihi pomum nouus educat annus,
Libatum agricolæ ponitur ante deo. *ibid.*
Flaua Ceres, tibi sit nostro de rure corona
Spicea, quæ templi pendeat ante fores.
Pomosisq. ruber custos ponatur in hortis,
Terreat ut seua falce Priapus aues.
Vos quoque felicitis quondam, nunc pauperis agri
Custodes, fertis munera uestra lares.
Tunc uitula innumeros lustrabat cæsa iuuenços,
Nunc agna exigui est hostia parua soli. *vid: fol: 41*
Agnâ cadet uobis, quam circum rustica pubes
Clamet, io messes, & bona uina date.

ibid. Iam modo non possum contentus uiuere paruo ,

Nec semper longæ deditus esse uiæ :

ibid. Sed canis æstiuos ortus uitare sub umbra

Arboris , ad riuos prætereuntis aquæ .

Nec tamen interdum pudeat tenuisse bidentem ,

Aut stimulo tardos increpuisse boues .

Non agnam ue sinu pigeat , fætum ue capellæ

Desertum oblita matre referre domum .

At uos exiguo pecori furesque , lupique .

Parcite . de magno est præda petenda grege .

Hic ego pastoremque meum lustrare quotannis ,

Et placidam soleo spargere lacte Palem .

Assitis diui , nec uos e paupere mensa

Dona , nec e puris spernite fœtilibus .

Fiœtilia antiquus primum sibi fecit agrestis

Pocula , de facili composuitque luto .

Non ego diuitias patrum , fructusque requiro ;

Quos tulit antiquo condita messis auo .

Parua seges satis est : satis est requiescere lecto ,

Scilicet & solito incumbra leuare toro .

Quàm iuuat immites uentos audire cubantem ,

Et dominam tenero continuisse sinu ,

Aut , gelidas hibernus aquas cum fuderit auster ,

ibid. Securum somnos , igne iuuante , sequi .

Hoc mihi contingat . sit diues , iure furorem

Qui maris , & tristes ferre potest pluuias .

O , quantum est auri , pereat , potiusque smaragdi ,

Quàm fleat ob nostras ulla puella uias .

Te bellare decet terra Messalla , marique ,

Vt domus hostiles præferat exuias ,
 Me retinent uinctum formosæ uincla puellæ :
 Et sedeo duras ianitor ante fores .
 Non ego laudari cupio mea Delia : tecum
 Dummodo sim , quæso segnis , inersq. uocer .
 Te spectem , suprema mihi cum uenerit hora ;
 Te teneam moriens deficiente manu .
 Flebis & arfuro positum me Delia lecto ;
 Tristibus & lacrymis oscula mista dabis .
 Flebis : non tua sunt duro præcordia ferro
 Vincta , nec in tenero stat tibi corde silex .
 Illo non iuuenis poterit de funere quisquam
 Lumina , non uirgo sicca referre domum .
 Tu manes ne læde meos , sed parce solutis
 Crinibus , & teneris Delia parce genis .
 Interea , dum fata sinunt , iungamus amores .
Iam ueniet tenebris mors adoperta caput .
Iam subrepet iners ætas ; nec amare decebit ,
Dicere nec cano blanditias capiti .
 Nunc leuis est tractanda Venus , dum frangere postes
 Non pudet , & rixas inseruisse iuuat .
 Hic ego dux , milesq. bonus . uos signa , tubæq.
 Ite procul , cupidis uulnera ferte uiris
 Ferte & opes . ego composito securus aceruo
Dites despiciam , despiciamq. famem .

E L E G I A I I .

D D E merū . uinoq. graues cōpesce dolores , *Vit. fol.*
 A Occupet ut fessi lumina uicta sopor : *4 L.*
 Neu quisquam multo persusum tēpora Baccho *ibid :*
 a 4 Excitet ,

Excitet, infelix dum requiescit amans. *ibid.*

Nam posita est nostræ custodia sæuæ puellæ.

Clauditur & dura ianua firma sera.

Ianua difficilis dominæ, te uerberet imber,

Te Iouis imperio fulmina missa petant.

Ianua iam pateas uni mihi uicta querelis,

Nec furtim uerso cardine aperta sones.

Et mala si qua tibi dixit dementia nostra,

Ignoscas: capiti sint precor illa meo.

Te meminisse decet, quæ plurima uoce peregi

Supplice, cum post floridaserta darem. *ibid.*

Tu quoque ne timide custodes Delia falle.

Audendum est. fortes adiuuat ipsa Venus.

Illa fauet, seu quis iuuenis noua limina tentat,

Seu reseat fixo dente puella fores.

Illa docet furtim molli decedere lecto,

Illa pedem nullo ponere posse sono:

Illa uiro coram nutus conferre loquaces,

Blandaq. compositis abdere uerba notis. *ibid. fol.*

Nec docet hoc omnes, sed quos nec inertia tardat, *42*

Nec uetat obscura surgere nocte timor. *ibid.*

En ego cum tenebris tota uagor anxius urbe, *ibid.*

Securum in tenebris me facit esse Venus.

Nec sinit occurrat quisquam, qui corpora ferro

Vulneret, aut rapta præmia ueste petat.

Quisquis amore tenetur, eat tutusque, sacerq.

Qualibet. insidias non timuisse decet.

Non mihi pigra nocent hibernæ frigora noctis,

Non mihi, cum multa decidit imber aqua.

Non

Non labor hic lēdit, referet modo Delia postes,
 Et uocet ad digiti me taciturna sonum.
 Parcite luminibus, seu uir, seu femina fias
 Obuia. celari uult sua furtiva Venus.
 Neu strepitu terrete pedum: neu querite nomen,
 Neu prope fulgenti lumina ferte face.
 Si quis & imprudens aspexerit, oculat ille,
 Perq. deos omnes se meminisse neget.
 Nam fuerit quicumque loquax, is sanguine natam,
 Is Venerem e rapido sentiet esse mari.
 Nec tamen huic credet coniux tuus, ut mihi uerax
 Pollicita est magico saga ministerio.
 Hanc ego de cælo ducentem sidera uidi:
 Fluminis hæc rapidi carmine uertit iter.
 Hæc cantu finditq. solum, manesq. sepulcris
 Elicit, & tepido deuocat ossa rogo.
 Iam ciet infernas magico stridore cateruas:
 Iam iubet, aspersas lacte, referre pedem.
 Cum libet, hæc tristi depellit nubila cælo:
 Cum libet, æstiuo prouocat orbe niues.
 Sola tenere malas Medæ dicitur herbas,
 Sola feros Hecates perdomuisse canes.
 Hæc mihi composuit cantus, queis fallere posses:
 Ter cane, ter dictis despue carminibus.
 Ille nihil poterit de nobis credere cuiquam.
 Non sibi, si in molli uiderit ipse sinu.
 Tu tamen abstineas alijs. nam cetera cernet
 Omnia: de me uno sentiet ipse nihil.
 Quid credam? nempe hæc eadem se dixit amores

Cantibus, aut herbis soluere posse meos.
 Et me lustrauit tedis, & nocte serena
 Concidit ad magicos hostia pulla deos.
 Non ut totus abesset amor, sed mutuus esset.
 Orabam: nec te posse carere uelim.
 Ferreus ille fuit, qui, te cum posset habere,
 Maluerit prædas stultus, & arma sequi.
 Ille licet Cilicum uictas agat ante cateruas, *ibi: fol. 23*
 Ponat & in capto martia castra solo;
 Totus & argento contextus, totus & auro,
 Infideat celeri conspiciendus equo:
 Ipse boues mea si tecum modo Delia possim
 Iungere, & in solito pascere monte pecus; *ibi: v.*
 Et te dum liceat teneris retinere lacertis,
 Mollis, & inculta sit mihi somnus humo. *ibi: v.*
 Quid Tyrio recubare toro sine amore secundo
 Prodest? cum fletu nox uigilanda uenit.
 Nam neque tum plumæ, nec stragula picta soporem.
 Nec sonitus placidæ ducere posset aquæ.
 Num Veneris magnæ uiolau numina uerbo,
 Et mea num pœnas impia lingua luit?
 Num feror incestus sedes adiisse deorum,
 Sertaq. de sanctis diripuisse focis?
 Non ego tellurem genibus perrepere supplex, *ibi: v.*
 Et miserum sancto tundere poste caput:
 Non ego, si merui, dubitem procumbere templis,
 Et dare sacratis oscula liminibus.
 At tu, qui lætus rides, mala nostra caueto.
 Mox tibi non uanus sæuiet ipse deus.

Vidiego, qui iuuenum miseros lussisset amores,

Post Veneris uinclis subdere colla senem,

Et sibi blandi tias tremula componere uoce,

Et manibus canas fingere uelle comas :

Stare nec ante fores puduit, caræ ue puellæ

Ancillam medio detinuisse foro.

Hunc puer, hunc iuuenis turba circumstetit arcta :

Despuit in molles & sibi quisque sinus. *ibid.*

At mihi parce Venus. semper tibi dedita seruit

Mens mea. quid messes uris acerba tuas ?

A D M E S S A L L A M,

ELEGIA III.

BITIS Aegeas sine me Messalla per undas, *ibid. fol. 43*

I O utinam memores ipse, cohorsq. mei,

Me tenet ignotis ægrum Phæacia terris.

Abstineas auidas mors precor atra manus. *ibid.*

Abstineas mors atra precor. non hic mihi mater,

Quæ legat in mæstos ossa perusta sinus,

Non soror, Assyrios cineri quæ dedat odores,

Et fleat effusis ante sepulcra comis :

Delia non usquam : quæ me cum mitteret urbe,

Dicitur ante omnes consuluisse deos.

Illa sacras pueri sortes ter sustulit : illi

— Rettulit e triuijs omnia certa puer. *ibid.*

Cuneta dabant reditum. tamen est deterrita nunquã, *ibid.*

Quin fleret, nostras respiceretq. uias.

Ipse ego solator, cum iam mandata dedissem,

Querebam tardas anxius usque moras.

Aut ego sum caussatus , aues dant omina dira ,

Saturni aut sacram me tenuisse diem ,

O quoties ingressus iter , mihi tristia dixi

Offensum in porta signa dedisse pedem .

Audeat inuito ne quis discedere amore ,

Aut sciat egressum se prohibente deo .

Quid tua nunc Isis tibi Delia ? quid mihi prosunt

— Illa tua toties sinistra repulsa manu ? —

Quidue pie , dum sacra colis , pureq. lauari

Te memini , & puro secubuisse toro ?

Nunc dea , nunc succurre mihi , nam posse mederi

Picta docet templis multa tabella tuis .

Vt mea uotiuas persoluens Delia uoces

Ante sacras lino tecta fores sedeat ,

Bisq. die , resoluta comas , tibi dicere laudes

Insignis turba debeat in Pharia .

At mihi contingat patrios celebrare penates

Reddereq. antiquo menstrua tura lari .

Q V A M bene Saturno uiuebant rege prius , quam

Tellus in longas est patefacta uias .

Non dum ceruleas pinus contempserat undas ,

Effusum uentis praeberatq. sinum ,

Nec uagus ignotis repetens compendia terris

Presserat externa nauita merce ratem .

Illo non ualidus subiit iuga tempore taurus ,

Non domito frenos ore momordit equus .

Non domus ulla fores habuit , non fixus in agris ,

Qui regeret certis finibus arua lapis .

Ipsae mella dabant quercus , ultroq. ferebant

Obuia

Obuia securis ubera lactis oues.

Non acies, non ira fuit, non bella, nec ensem

Immiti sæuus duxerat arte faber.

Nunc Ioue sub domino cades, & uulnera semper.

Nunc mare, nunc leti mille repente uiæ.

Parce pater. timidum non me periuria terrent,

Non dicta in sanctos impia uerba deos.

Quod si fatales iam nunc expleuimus annos,

— Fac lapis inscriptis stet super ossa notis: — *ibid.*

Hic iacet immiti consumptus morte Tibullus,

Messallam terra dum sequiturq. mari.

Sed me, quod facilis tenero sum semper amori,

Ipsa Venus campos ducet in Elysios.

Hic choreæ, cantusq. uignt, passimq. uagantes

Dulce sonant tenui gutture carmen aues,

Fert casiam non culta seges, totosq. per agros.

Floret odoratis terra benigna rosis.

Ac iuuenum series teneris immista puellis

Ludit, & assidue prælia miscet Amor,

Illic est cuicunque rapax mors uenit amanti,

Et gerit insigni myrteaserta coma.

At scelerata iacet sedes in nocte profunda

Abdita, quam circum flumina nigra sonant.

Tisiphoneq. impexa feros pro crinibus angues

Sæuit, & huc illuc impia turba fugit.

— Tum niger in turba serpentum Cerberus ore — *ibid.*

Stridet, & æratas excubat ante fores.

Illic Iunonem tentare Ixionis ausi *ibid.*

Versantur celeri noxia membra rota,

Porrectusq.

- Porrectusq. nouem Tityus per iugera terræ, — 161
Affiduas atro viscere pascit aues.
- Tantalus est illic, & circum, stagna: sed acrem — 162
Iam iam poturi deserit unda sitim.
- Et Danaï proles, Veneris quod numina læsit, 163
In caua Lethæas dolia portat aquas. 75
Illic sit quicumque meos uiolauit amores,
Optauit lentas & mihi militias.
- At tu casta precor maneas, sanctiq. pudoris*
Affideat custos sedula semper anus.
- Hæc tibi fabellas referat, positaq. Incerna*
Deducat plena stamina longa colo:
- At circa grauib. pensis affixa puella*
Paullatim somno fessa remittat opus.
- Tunc ueniam subito: nec quisquam nunciet ante, 164
Sed uidear cælo missus adesse tibi.
- Tunc mihi, qualis eris, longos turbata capillos,*
Obuia nudato Delia curre pede.
- Hunc precor. hunc illum nobis aurora nitentem*
Luciferum roseis candida portet equis.

A D P R I A P V M.

ELEGIA IIII.

165: fol: 76
 I C umbrosa tibi contingant tecta Priape,
 S Ne capiti soles, ne noceantq. niues,
Quæ tua formosos cepit solertia? certe
Non tibi barba nitet, non tibi culta coma est.
Nudus, & hibernæ producis frigora brumæ,
Nudus & æstiu tempore sicca canis.

Sic

Sic ego, tum Bacchi respondit rustica proles - 161

- * Armatus curua sic mihi falce deus. - 162

- O fuge te teneræ puerorum credere turbæ: - 163

Nam caussam iusti semper amoris habent.

Hic placet, angustis quodd equum compescit habenis:

Hic placidam nuneo pectore pellit aquam:

- Hic, quia fortis adest audacia, cepit: at illi - vid fol. 46

Virgineus teneras stat pudor ante genas.

Sed ne te capiant, primo si forte negabit,

Tædia, paullatim sub iuga colla dabit.

Longa dies homini docuit parere leones. vid fol. 48

- Longa dies molli saxa peredit aqua. Notas

Annus in apricis maturat collibus uuas.

Annus agit certa lucida signa uice.

Nec iurare time. Veneris periuria uenti

Irrita per terras, & freta summa ferunt.

Gratia magna Ioui. uetuit pater ipse ualere,

Iurasset cupide quicquid ineptus amor.

Perq. suas impune sinit Dictynna sagittas

Affirmes, crines perq. Minerva suos.

At si tardus eris, errabis, transiet ætas.

- Quàm cito non segnis stat, remeatq. dies. vid fol. 47

Quàm cito purpureos deperdit terra colores.

Quàm cito formosas populus alta comas.

Quàm iacet, infirmæ uenere ubi fata senectæ,

Qui prior Elæo est carcere missus, equus.

Vidi iam iudenem, premeret cum senior ætas,

Merentem stultos præterijisse dies.

Crudeles diui, serpens nouus exuit annos.

Formæ non ullam fata dedere moram .

Solis æterna est Phæbo , Bacchoq. iuuentas :

Nam decet intonsus criminis utrunque deum .

Tu , puero quodcunque tuo tentare libebit ,

Cedas . obsequio plurima uincit amor .

Neu comes ire neges , quamuis uia longa paretur ,

Et canis arenti torreat arua siti .

Quamuis prætexens picta ferrugine cælum

Venturam admittit imbrifer arcus aquam .

Vel si cæruleas puppi uolet ire per undas ,

Ipse leuem remo per freta pelle ratem .

Nec te pæniteat duro subiisse labori ,

Aut operi insuetas atteruisse manus .

Nec , uelit insidijs altis si claudere ualles ,

Dum placeas , humeris retia ferre neges .

Si uolet arma , leui tentabis ludere dextra :

Sæpe dabis nudum , uincat ut ille , latus .

Tunc tibi mitis erit : rapias tum cara licebit

Oscula : pugnabit , sed tamen apta dabit .

Rapta dabit primo , post offeret ipse uolenti ,

Post etiam collo se implicuisse uolet .

Heu , male nunc artes miseras hæc sæcula tractant ,

Iam tener assuevit munera uelle puer .

Iam tu qui Venerem docuisti uendere primus ,

Quisquis es , infelix urgeat ossa lapis .

Pieridas pueri , doctos & amate poetas ,

Aurea nec superent munera Pieridas ,

Carminum purpurea est Nisi coma : carmina ni sint ,

Ex humero Pelopis non nituissebunt .

Quem

Quem referent Musæ, uiuet, dum roboratellus,
 Dum cælum stellas, dum uehet amnis aquas.
 At qui non audit Musas, qui uendit amorem,
 Idææ currus ille sequatur Opis.
 Et tercentenas erroribus expleat urbes,
 Et secet ad Phrygios uilia membra modos.
 Blanditijs uult esse locum Venus ipsa: querelis
 Supplicibus, miseris flentibus illa fauet.
 Hæc mihi, quæ canerem Tityo, deus edidit ore:
 Sed Tityum coniux hæc meminisse uetat.
 Parëat ille suæ. uos me celebrate magistrum,
 Quos male habet multa callidus arte puer.
 Gloria cuique sua est. me, qui spernentur amantes,
 Consultent, cunctis ianua nostra patet:
 Tempus erit, cum me, Veneris præcepta ferentem,
 Deducat iuuenum sedula turba senem.
 Eheu quàm Marathus lento me torquet amore.
 Deficiunt artes, deficiuntq. doli.
 Parce puer quæso, ne turbis fabula fiam,
 Cum mea ridebunt uana magisteria.

E L E G I A V.

Speneram, et bene dissidiū me ferre loquebar:
 A At mihi nunc longe gloria fortis adest.
 Nāque agor, ut per plana citus sola uerbere tur
 Quem celer assueta uersat ab arte puer. (ho
 Vre ferum, & torque, libeat ne dicere quicquam
 Magnificum posthac, horrida uerba doma.
 Parce tamen: per te furtiui fœdera lecti,
 Per Venerem quæso, compositumq. caput.

Ille ego, cum tristis morbo defessa iaceres,
Te dicor uotis eripuisse meis.

Ipsēq. ter circum lustravi sulfure puro,
Carmine cum magico præcinisset anus.

vid. fol. 47. - Ipse procuravi, ne possent sæua nocere
Somnia, ter falsa deueneranda mola. - *ibid.*

Ipsē ego uelatus filo, tunicisq. solutis
Vota nouem Veneri nocte silente dedi. - *ibid.*

Omnia persolui: fruitur nunc alter amore,
Et precibus felix utitur ille meis.

At mihi felicem uitam, si salua fuisses,
Fingebam demens, sed renuente deo.

Rura colam, frugumq. aderit mea Delia custos,
Area dum messes sole calente teret.

Hæc mihi seruabit plenis in lyntribus uuas,
Pressaq. ueloci candida musta pede:

Consuescet numerare pecus, consuescet amantis
Garrulus in domina ludere uerna sinu.

Illa deo sciet agricolæ pro uitibus uuam,
Pro segete spicas, pro grege ferre dapem.

Ille regat cunctos, illi sint omnia cura,
- Et iuuēt in tota me nihil esse domo. - *ibid.*

Huc ueniet Messalla meus, cui dulcia poma
Delia selectis detrahat arboribus:

Et tantum uenerata uirum, hunc sedula curet,
Hunc paret, atque epulas ipsa ministra gerat.

Hæc mihi fingebam, quæ aunc Caurusque Notusq.
Iactat odoratos uota per Armenios.

Sæpe ego tantani curas depellere uino:

At dolor in lacrymas uerterat omne merum.
 Sæpe aliam tenui : sed iam cum gaudia adirem ,
 Admonuit dominæ , deseruitq. Venus .
 Tunc me discedens deuotum femina dixit ,
 * Et pudet , & narrat scire nefanda mea . — *ibid.*
 Non facit hoc uerbis : facie , tenerisq. lacertis — *ibid.*
 Deuouet , & flauis nostra puella comis .
 Talis ad Aemonium Nereis Pelea quondam
 Vecta est frenato cærule pisce Thetis .
 Hæc nocuere mihi , quod adest huic diues amator .
 Venit in exitium callida lena meum .
 Sanguineas edat illa dapes , atque ore cruento
 Tristia cum multo pocula felle bibat .
 Hanc uolitent animæ circum , sua fata querentes :
 Semper & e testis Flryx uiolenta canat .
 Ipsa fame stimulante furens , escasq. sepulcris — *ibid.*
 Quærat , & a sauis ossa relicta lupis ,
 Currat & inguinibus nudis , ululetq. per urbes .
 Post agat hanc triuijs aspera turba canum .
 Eueniet , dat signa deus : sunt numina amanti .
 Sæuit & iniusta lege relicta Venus .
 At tu quamprimum sagæ præcepta rapacis
 Desere . nam donis uincitur omnis amor .
 Pauper erit præsto semper tibi , pauper adibit
 Primus , & in tenero fixus erit latere .
 Pauper in angusto fidus comes agmine turba ,
 Subijcietq. manus , efficietq. uiam .
 Pauper ad occultos furtim deducet amicos ,
 Vinclaq. de niueo detrahet ipse pede .

Heu canimus frustra : nec uerbis uicta patescit
Ianua , sed plena est percutienda manu .

At tu , qui potior nunc es , mea fata caueto :

Versatur celeri fors leuis orbe rota .

Non frustra quidam iam nunc in limine perstat

Sedulus , ac crebro prospicit , ac refugit ,

Et simulat transire domum , mox deinde recurrit

Solus , & ante ipsas excreat usque fores .

Nescio quid furtiuus amor parat . utere quæso ,

Dum licet . in liquida nat' tibi lynter aqua .

E L E G I A V I.

EMPER ut inducar, bládos offers mihi uultus:

S Post tamé es misero tristis, et asper Amor.

- 612. / 41. - Quid tibi scuitiæ mecū est? an gloria magna

47. Insidias homini composuisse deum? - 1612;

Iam mihi tenduntur casses , iam Delia furtim

Nescio quem tacita callida nocte fouet .

Illa quidem tam multa negat : sed credere durum est .

Sic etiam de me pernegat usque uiro .

Ipse miser docui , quo posset ludere pacto

Custodes . eheu nunc premor arte mea .

Fingere tunc didicit causas , cur sola cubaret ,

Cardine tunc tacito uertere posse fores .

Tunc succos , herbasq. dedi , quis liuor abiret ,

Quem facit impresso mutua dente Venus .

At tu fallacis coniux incaute puellæ ,

Me quoque seruato , peccet ut illa nihil ,

Neu iuuenes celebret multo sermone caueto ,

Ne ue cubet laxo pectus aperta sinu .

Neu

Neu te decipiat nutu , digitoq. liquorem
Ne trahat , & mensæ ducat in orbe notas .
Exibit quàm sæpe time , seu uisere dicet
Sacra bonæ maribus non adeunda deæ .
At mihi si credas , illam sequar unus ad aras .
Tunc mihi non oculis sit timuisse meis .
Sæpe , uelut gemmas eius , signumq. probarem
Per causam memini me tetigisse manum .
Sæpe mero somnum peperit tibi : at ipse bibebam
Sobria supposita pocula uictor aqua .
Non ego te læsi prudens : ignosce fatenti :
Iussit Amor . Contra quis ferat arma deos ?
Ille ego sum , nec me iam dicere uera pudebit ,
Instabat tota cui tua nocte canis .
Quid tenera tibi coniunge opus , tua si bona nescis
Seruare ? ah frustra clauis inest foribus .
Te tenet , absentes alios suspirat amores ,
Et simulat subito condoluisse caput .
At mihi seruandam credas . non sæua recuso
Verbera , detrecto non ego uincla pedum .
Tunc procul absitis , quisquis colit arte capillos ,
Effluit effuso cui toga lapsa sinu :
Quisquis & occurreret ne possit crimen habere ,
Stet procul , aut alia stet procul ante uia .
Sic fieri iubet ipse deus , sic magna sacerdos
Et mihi diuino uaticinata sono .
Hæc ubi Bellonæ motu est agitata , nec acrem
Flammam , non amens uerbera tota timet .
Ipsa bipenne suos cædit uiolenta lacertos ,

Sanguineq. effuso spargit inulta deam.
 Statq. latus præfixa uernu, stat saucia pectus,
 Et canit euentus, quos dea magna monet.
 Parcite, quam custodit amor, uiolare puellam:
 Ne pigeat magno post didicisse malo.
 Attigerit, labentur opes, ut uulnere nostro
 Sanguis, ut hic uentis diripiturq. cinis.
 Et tibi nescio quas dixit mea Delia pœnas.
 Si tamen admittas: sit precor illa leuis.
 Non ego te propter parco tibi, sed tua mater
 Me mouet, atque iras aurea uincit anus.
 Hæc mihi te adducit tenebris, multoq. timore
 Coniungit nostras clam taciturna manus.
 Hæc foribusq. manet noctu me affixa, proculq.
 Cognoscit strepitus me ueniente pedum.
 Viue diu mihi dulcis anus: proprios ego tecum,
 Sit modo fas; annos contribuisse uelim.
 Te semper, natamq. tuam te propter amabo:
 Quicquid agit, sanguis est tamen illa tuus.
 Sit modo casta doce, quamuis non uitta ligatos
 Impediat crines, nec stola longa pedes.
 Et mihi sint duræ leges, laudare nec ullam
 Possim, quin oculos appetat illa meos.
 Et si quid peccasse putor, ducorq. capillis
 Immerito * proprias proripiorq. uias.
 Non ego te pulsare uelim: sed; uenerit iste
 Si furor, optarim non habuisse manus.
 Nec sæuo sis casta metu, sed mente fideli.
 Mutuus absenti te mihi seruet amor.

*

— At quæ fida fuit nulli, post uicta senecta, — *ibid.*
 Ducit inops tremula stamina torta manu,
 Firmaq. conductis adnectit licia telis,
 Tractaq. de niueo uellere fila parat.
 Hanc animo gaudente uident, iuuenumq. cateruæ
 Commemorant merito tot mala ferre senem:
 Hanc Venus ex alto flentem sublimis olympo
 Spectat, & infidis quàm sit acerba, monet.
 Hæc alijs maledicta cadant. nos, Delia, amoris
 Exemplum cana simus uterque coma

E L E G I A V I I.

id. fol. 248.
 V N C

H Stamina, non ulli dissoluenda deo, (tes,
 Hunc fore Aquitanas posset qui fundere gen-
 Quem tremere fortis milite uictus Atax.
 Euenere novos pubes Romana triumphos
 Vidit, & euinctos brachia capta duces.
 At te uictrices lauros Messalla gerentem
 Portabat niueis currus eburmus equis.
 — Non sine me est tibi partus honos per bella. Pyrene, *ibid.*
 Testis, & oceani littora Santonici.
 Testis Arar, Rodanusq. celer, magnusq. Garumna
 — Carmoti & flaua cærulea lympa Liger. *ibid.*
 At te Cydne canam, tacitis qui leniter undis
 Cæruleus placidis per uada serpis aquis.
 Quantus & ætherio contingens uertice nubes

161. — *Frigidus intonso taurus alat Cilicas.*
 — *Quid referam, ut uolitet crebras intacta per urbes*
Alba Palæstino sancta columba Syro?
Vtq. maris uastum prospēctet turribus a quor
Prima ratem uentis credere docta Tyros?
Qualis & arentes cum findit Syrius agros,
Fertilis æstiuā Nilus abundet aqua.
Nile pater, quam possum te dicere caussa,
Aut quibus in terris oculuisse caput?
Te propter, nullos tellus tua postulat imbres.
 — *Arida nec pluuio supplicat herba Ioui*
Te canit atque suum pubes miratur Osirin,
Barbara Memphitem plangere docta bouem.
Primus aratra manu solerti fecit Osiris,
Et teneram ferro sollicitauit humum.
Primus inexpertæ commisit semina terræ,
Pomaq. non notis legit ab arboribus.
Hic docuit teneram palis adiungere uitem,
Hic uiridem dura cedere fæte comam.
Illi iucundos primum matura sapores
Expressa incultis una dedit pedibus.
Ille liquor docuit uoces inflectere cantu,
Mouit & ad certos nescia membra modos.
Bacchus & agricolæ magno confecta labore
 — *Pectora tristitiæ dissoluenda dedit.*
Bacchus & afflictis requiem mortalibus affert,
Crura licet dura compede pulsa sonent.
Non tibi sunt tristes curæ, non luctus Osyri,
Sed chorus, & cantus lenis, & aptus amor.

Sed uarij flores , & frons redimita corymbis .

Fusa sed ad teneros lutea palla pedes .

Et Tyriæ uestes , & dulcis tibia cantu ,

Et leuis occultis conscia cista sacris .

Huc ades , & centum ludos , geminumq. choreis ,

Concelebra , & multo tempora funde mero .

Illius e nitido stillent unguenta capillo ,

Et capite , & collo mollia ferta gerat .

Sic uenias hodiernæ : tibi dum thuris honores ,

Liba & Mopsopio dulcia melle feram .

At tibi subcrescat proles , quæ facta parentis

Augeat , & circa stet ueneranda senem .

Non taceam monimenta uia , quæ Tuscula tellus

Candidaq. antiquo detinet Alba laræ .

Nanque opibus congesta tuis hic glarea dura

Sternitur , hic apta iungitur arte silex .

Tecanit agricola , e magna cum uenerit urbe

Serus , inoffensum rettuleritq. pedem .

At tu natalis multos celebrande per annos

Candidior semper candidiorq. ueni .

E L E G I A V I I I .

NON ego calari possum , quid nutus amantis ,

Quid ue ferant miti lenia uerba sono .

Nec mihi sunt sortes , nec conscia fibra deorū :

Præcinit euentus nec mihi cantus auis .

Ipsa Venus magico religatum brachia nodo

Perdocuit multis non sine uerberibus .

Desine dissimulare . deus crudelius urit ,

Quos

Quos uidet inuitos succubuisse sibi.

Quid tibi nunc molles prodest coluisse capillos, - 161

Sapeq. mutatas disposuisse comas?

Quid fuco splendente genas ornasse? quid ungues

Artificis docta subsecuisse manu?

Frustra iam uestes, frustra mutantur amictus,

Ansaq. compressos colligat arcta pedes.

Illa placet, quamuis inculto uenerit ore,

Nec nitidum tarda compserit arte caput.

Num te carminibus, num te pallentibus herbis

Deuouit tacito tempore noctis anus?

Cantus uicinis fruges traducit ab agris.

Cantus & iratae detinet anguis iter.

Cantus & è curru lunam deducere tentat, 162

Et faceret, si non æra repulsa sonent.

Quid queror heu misero carmen nocuisse? quid herbas?

Forma nihil magicis utitur auxilijs.

Sed corpus tetigisse nocet, sed longa dedisse. - 163

Oscula, sed femori conseruisse femur.

Nec tu difficilis puero tamen esse memento.

Persequitur pœnis tristitia facta Venus.

Munera nec poscas. det munera canus amator,

Vt foueat molli frigida membra sinu.

Carior est auro iuuenis, cui leuia fulgent

Ora, nec amplexus hispida barba terit. 164 fo 50

Huic tu candentes humero suppone lacertos,

Et regum magnæ despiciantur opes.

At Venus inuenit puero concumbere furtim, - 165

Dum timet, & teneros conserit usque sinus,

Et

Et dare anhelanti pugnantibus humida linguis
Oscula, & in collo figere dente notas.

Non lapis hanc, gemmâq. iuuant, quæ frigore sola
Dormiat, & nulli sit cupienda uiro.

Heu sero reuocatur amor, seroq. iuuenta,
Cum uetus infecit cana senectâ caput.

Tum studium formæ est, coma cum mutatur, ut annos
Dissimulet uiridi cortice tinctâ nucis.

Tollere tunc cura est albos a stirpe capillos,
Et faciem dempta pelle referre nouam.

At tu, dum primi floret tibi temporis ætas,
Vtere, non tardo labitur illa pede.

Heu Marathum torques. puero quæ gloria uictis?
In ueteres esto dura puella senes.

Parce precor tenero: non illi fontica caussa est,
Sed nimius luteo corpora tingit amor.

Veh miser, absenti mæstas quàm sæpe querelas
Conijcit, & lacrymis omnia plena madent.

Quid me spernis, ait? poterat custodia falli,
Ipse dedit cupidis fallere posse deus.

Nota Venus furtiua mihi est, ut lenis agatur
Spiritus, ut nec dent oscula rapta sonum.

Et possum media quamuis obrepere nocte,
Et strepitu nullo clam reserare fores.

Quid profunt artes, miserum si spernit amantem;
Et fugit ex ipso sæua puella toro?

Vel cum promittit subito, sed perfida fallit,
Est mihi nox multis euigilanda malis.

Dum mihi uenturam fingo, quodcunque mouetur,

Illius

Illius credo tunc sonuisse pedes .
 Desistas lacrymare puer . non frangitur illa ,
 Et tua iam fletu lumina fessa tument .
 Oderunt Pholoe (moneo) fastidia diui ,
 Nec prodest sanctis tura dedisse focis .
 Hic Marathus quondam miseros lædebat amantes ,
 Nescius ultorem post caput esse deum .
 Sæpe etiam lacrymis fertur risisse dolentis ,
 Et cupidum fixa detinuisse mora .
 Nunc omnis odit fastus , nunc displicet illi
 Quæcunque opposita est ianua dura sera .
 At te pœna manet , nisi desinis esse superba .
 Quàm cupies uotis hunc reuocare diem ,

E L E G I A . I X .

- *ibid.* - VID mihi , si fueras miseros læsurus amores ,
 Q Fœdera per diuos clam uiolanda dabas ?
 Ah miser , & si quis primo periuria celat ,
 Sera tamen tacitis pœna uenit pedibus .
 Parcite cælestes . æquum est , impune licere
 Numina formosis lædere uestra semel .
 Lucra petens , habili tauros adiungit aratro ,
 Et durum terræ rusticus urget opus .
 Lucra petituras freta per parentia uentis
 Ducunt instabiles sidera certa rates .
 Muneribus meus est captus puer : at deus illa
 In cinerem , & liquidas munera uertat aquas .
 Iam mihi persoluet pœnas , puluisq. decorem
 Detrahet , & uentis horrida facta coma .

Vretur

Vretur facies , urentur sole capilli .

Deteret inualidos , & uia longa pedes .

Admonui quoties , auro ne pollue formam .

Sæpe solent auro multa subesse mala .

Diuitijs captus si quis uiolauit amorem ,

Aspera q̃. est illi , difficiliq̃. Venus .

Vere meum potius flamma caput , & pete ferro

Corpus , & intorto uerbere terga seca .

— Nec tibi calanti fas sit peccare . paranti — 762

Sit deus , occultos qui uetet esse dolos .

Ipse deus tacito permisit lene ministro ,

Ederet ut multo libera uerba mero .

Ipse deus somno domitos emittere uocem

Iussit , & iniuitos facta tegenda loqui .

Hæc ego dicebam : nunc me fleuisse loquentem ,

Nunc pndet ad teneros procubuisse pedes .

Tum mihi iurabas , nullo te diuitis auri

Pondere , non gemmis uendere uelle fidem :

Non tibi si precium Campania terra daretur ,

Non tibi si Bacchi cura Falernus ager .

Illis eriperes uerbis mihi , sidera cæli

Lucere , & puras fluminis esse uias .

Quin etiam flebas . at non ego fallere doctus ,

Tergebam humentes credulus usque genas .

Quid faceres , nisi & ipse fores in amore puellæ ?

Sit precor exemplo sed leuis illa tuo .

O quoties , uerbis ne quisquam conscius esset ,

Ipse comes multa lumina nocte tuli .

Sæpe insperanti uenit tibi munere nostro ,

Sed

Sed latuit clausas post adoperta fores.

Tum miser interij, stulte confisus amari,

Nam poteram ad laqueos cautior esse tuos.

Quin etiam attonita laudes tibi mente canebam:

Vt me nunc nostri, Pieridumq. pudet.

Illa uelim rapida Vulcanus carmina flamma

Torreant, & liquida deleat amnis aqua.

Tu procul hinc absis, cui formam uendere cura est,

Et precium plena grande referre manu.

At te, qui puerum donis corrumpere es ausus,

Rideat assiduis uxor inulta dolis.

Et cum furtiuo iuuenem lassauerit usu,

Tecum interposita languida ueste cubet.

Semper sint externa tuo uestigia lecto,

Et pateat cupidis semper aperta domus.

Nec lasciuia soror dicatur plura bibisse

Pocula, quam plures hac meruisse uiros.

Illam saepe ferunt conuiuia ducere Baccho,

Dum rota luciferi prouocet orta diem.

Illa queat nullam melius consumere noctem,

Aut operum uarias disposuisse nices.

At tua perdidicit. nec tu stultissime sentis,

Cum tibi non solita corpus ab arte mouet.

Tu ne putas illam pro te disponere crines?

Aut tenues denso pectere dente comas?

— *Ista hac persuadet facies, auroq. lacertos* —

Vinciat, & Tyrio prodeat apta sinu?

Non tibi, sed iuueni cuiusdam uult bella uideri,

Deuoneat pro quo remq. domumq. tuam.

Nec

Nec facit hoc uitio, sed corpora feda podagra
 Et senis amplexus culta puella fugit.
 Hinc tamen occubuit noster puer. hunc ego credam
 Cum trucibus uenerem iungere posse feris.
 Blanditias ne meas alijs tu uendere es ausus?
 Tu ne alijs demens oscula ferre mea?
 Tunc flebis, cum me uinctum puer alter habebit,
 Et geret in regno regna superba tuo.
 At tua tum me pena iuuat, Veneriq. merenti
 Fixa notet casus aurea palma meos.
 Hanc tibi fallaci resolutus amore Tibullus
 Dedicat, & grata sis dea, mente, rogat.

E L E G I A X.

VIS fuit, horrēdos primus qui protulit enses?
 QUam ferus, & uere ferreus ille fuit.
 Tunc cades hominū generi, tunc praelia nata;
 Tunc breuior diræ mortis aperta uia est.
 At nihil ille miser meruit. nos ad mala nostra
 Vertimus, in sæuas quod dedit ille feras.
 Diuitis hoc uitium est auri: nec bella fuerunt,
 Faginus astabat dum scyphus ante dapes.
 Non arces, non uallus erat, somnumq. petebat.
 Securus uarias dux gregis inter oues.
 Tunc mihi uita foret: uulgi non tristia nossem
 Armā, nec audissem corde tremante tubam.
 Nunc ad bella trahor, & iam quis forsitan hostis
 Hæsurā in nostro tela gerit latere.
 Sed patrij seruate lares. aluistis & ijdem,

Cursarem

Curfarem uestros cum tener ante pedes .
Neu pudeat prisco uos esse e stipite factos .
Sic ueteris sedes incoluistis aui .
Tunc melius tenuere fidem , cum paupere cultu
Stabat in exigua ligneus æde deus .
Hic placatus erat , seu quis libauerat uuam ,
Seu dederat . sanctæ spicea ferta comæ .
Atque aliquis uoti compos liba ipse ferebat ,
Postq̃ . comes purum filia parua fauum .
At nobis ærata lares depellite tela , *vid: 76: 50*

*

Hostiaq̃ . e plena mystica porcus hara .
Hunc pura cum ueste sequar , myrtoq̃ . canistra
Vincta geram , myrto uinctus & ipse caput .
Sic placeam uobis . alius sit fortis in armis ,
Sternat & aduersos Marte fauente duces .
Vt mihi potanti possit sua dicere facta
Miles , & in mensa pingere castra mero .
Quis furor est atram bellis accersere mortem ?
Imminet , & tacito clam uenit illa pede .
Non seges est infra , non uinea culta , sed audax
Cerberus , & Stygiæ nauita turpis aquæ .
Illic percussisq̃ . genis , ustoq̃ . capillo ,
Errat ad obscuros pallida turba lacus .
Quàm potius laudandus hic est , quem prole parata
Occupat in parua pigra senecta casa .
Ipse suas se&atur oues : at filius agnos ,
Et calidam fesso comparat uxor aquam .

Sic

Sic ego sim, liceatq. caput candescere canis.

Temporis & prisci facta referre senem.

Interea pax arua colat. pax candida primum

Duxit araturos sub iuga curua boues.

Pax aluit uites, & succos condidit uuae,

Funderet ut nato testa paterna merum.

Pace bidens, uomerq. uigent, at tristia duri

Militis in tenebris occupat arma situs.

Rusticus e lucoq. uehit male sobrius ipso

Vxorem plaustro, progeniemq. domum.

Sed Venereis tunc bella calent; scissosq. capillos

Femina, perfractas conqueriturq. fores:

Flet teneras subtusa genas: sed uictor & ipse

Flet sibi dementes tam ualuisse manus.

At lasciuus Amor rixæ mala uerba ministrat,

Inter & iratum lentus utrunque sedet.

Ah lapis est, ferrumque, suam quicumque puellam

Verberat: e cælo diripit ille deos.

Sit satis, e membris tenuem perscindere uestem:

Sit satis, ornatas dissoluisse comas:

Sit, lacrymas mouisse, satis. quater ille beatus,

Quo tenera irato flere puella potest.

Sed, manibus qui sauius erit, scutumque, sudemq.

Is gerat, & miti sit procul a Venere.

At nobis pax alma ueni, spicamq. teneto:

Perfluat & pomis candidus ante sinus.

ALBII TIBULLI,
EQUITIS ROMANI.

LIBER II.

vid: f. 150

VISQVIS adest, ualeat: fruges lustramus,

Q & agros,

Ritus ut a prisco traditus extat auo.

Bacche ueni, dulcisq. tuis e cornibus uua

Pendeat, & spicis tempora cinge Ceres.

Luce sacra requiescat humus, requiescat arator,

Et graue suspensio uomere cesset opus.

Soluite uincla iugis: nunc ad præsепia debent

Plena coronato stare boues capite.

Omnia sint operata Deo: non audeat ulla

Lanificam pensis imposuisse manum.

- 1612. Vos quoque abesse procul inbeo. discedite ab aris,

Queis tulit hesternæ gaudia nocte Venus.

Castæ placent superis, pura cum ueste uenite,

Et manibus puris sumite fontis aquam.

Cernite, fulgentes ut eat sacer agnus ad aras,

Vinctaq. post olea candida turba comas.

Dij patrij purgamus agros, purgamus agrestes,

Vos mala de nostris pellite limitibus:

Neu seges eludat messē fallacibus herbis,

Neu timeat celeres tardior agna lupos.

Tunc nitidus plenis confusus rusticus agris,

Ingeret ardenti grandia ligna foco,

Turbaq. uernarum, saturi bona signa coloni,

Ludet

Ludet, & e uirgis extruet arte casas. — *ibi*;
 Euentura precor. uiden' ut felicibus extis
 Significet placidos nuncia fibra deos?
 Nunc mihi fumosos ueterisq. proferte falernos — *ibi*dem
 Consulis, & Chio soluite uincla cado.
 Vina diem celebrent. non festa luce madere
 Est rubor, errantes & male ferre pedes.
 Sed bene Messallam sua quisque ad pocula dicat,
 Nomen & absentis singula uerba sonent.
 Gentis Aquitanæ celeberrima Messalla triumphis,
 Et magna intonsis gloria uictor ades.
 Huc ades, aspira q. mihi, dum carmine nostro
 Redditur agricolis gratia cælitibus.
 Rura cano, rurisq. deos: his uita magistris
 Desueuit querna pellere glande famem.
 Illi compositis primum docuere tigillis
 Exiguam uiridi fronde operire domum.
 Illi etiam tauros primi docuisse feruntur
 Seruitium, & plauastro supposuisse rotam.
 Tunc uictus abiere feri: tunc consita pomus,
 Tunc bibit irriguas fertilis hortus aquas:
 Aurea tunc pressos pedibus dedit uua liquores,
 Mistaq. securo est sobria lympa mero.
 Rura ferunt messes, calidi cum sideris æstu
 Deponit flauas annua terra comas.
 Rure leuis uerno flores apis ingerit alueo,
 Compleat ut dulci sedula melle fauos.
 Agricola assiduo primum satiat aratro
 Cantauit certo rustica uerba pede,

Et satur arenti primum est modulatus auena

Carmen, ut ornatos diceret ante deos.

Agricola & minio suffusus Bacche rubenti

Primus in experta duxit ab arte choros.

Huic datus a pleno memorabile munus ouili

Dux pecoris hircus, auxerat hircus oues.

Rure puer uerno primum de flore coronam

Fecit, & antiquis imposuit laribus.

Rure etiam teneris curam exhibitura puellis

Molle gerit tergo lucida uellus ovis.

Hinc & femineus labor est, hinc pensa, colusque;

Fusus & apposito pollice uersat opus.

Atque aliqua assidue textrix operata, Mineruam

Cantat, & a pulso tela sonat latere.

Ipse quoque inter agros, interq. armenta Cupido

Natus, & indomitas dicitur inter equas.

Illic indocto primum se exercuit arcu.

Hei mihi quam doctas nunc habet ille manus.

Nec pecudes uelut ante petit: fixisse puellas.

Gestit, & audaces perdomuisse uiros.

Hic inueni detraxit opes, hic dicere iussit

Limen ad iratae uerba pudenda senem.

Hoc duce custodes furtim transgressa iacentes

Ad iuuenem tenebris sola puella uenit:

Et pedibus praetentat iter suspensa timore,

Explorat caecas cui manus ante uias.

Ab miseri, quos hic grauitur Deus urget: at ille

Felix, cui placidus leniter afflat amor.

Sancta ueni dapibus festis, sed pone sagittas,

Et

Et procul arduentes hinc precor abde faces.

— *Vos celebrem cantate deum, pecoriq. uocate* *vid: fol: 51*

Voce palam petori, clam sibi quisque uocet:

Aut etiam sibi quisque palam: nam turba iocosa

Obstrepi, & Phrygio tibia curua sono.

Ludite: iam nox iungit equos, currumq. sequuntur

— *Matris lasciuo sidera fulua choro:* *— i 610:*

Postq. uenit tacitus fuluis circumdatus alis

Somnus, & incerto somnia nigra pede.

E L E G I A I I.

vid: fol: 51 *ICAMVS bona uerba: uenit natalis ad aras*

D *Quisquis ades, lingua, uir mulierq. faue.* *— i 610.*

Vrantur pia tura focis, urantur odores,

Quos tener e terra diuite mittit Arabs.

Ipse suos genius adsit uisurus honores,

Cui decorent sanctas mollia ferta comas.

Illius puro distillent tempora nardo;

Atque satur libo sit, madeatq. mero.

Annuat & Cherinthe tibi quodcunque rogabis.

En age quid cessas? annuit ille, roga.

Auguror, uxoris fidos optabis amores.

— *Iam reor hoc ipsos edidicisse deos.* *— i 610 r*

Nec tibi mulueris, totum quacunque per orbem

Fortis arat ualido rusticus arua bone;

Nec tibi, gemmarum quicquid felicibus undis

Nascitur, Eoi qua maris unda rubet.

Vota cadunt. utinam strepitantibus aduolet alis;

Flauaq. coniugio uincula portet Amor.

Vincula quæ maneant semper, dum tarda senectus
 Inducat rugas, inficiatq. comas.
 Huc ueniat natalis auis, prolemq. ministret,
 Ludat & ante tuos turba nouella pedes.

E L E G I A I I I.

vid. fol. 54
 VRA tenent Cornute meâ, nullaq. puellam.
 R Ferreus est eheu, quisquis in urbe manet.
- ibid. - Ipsa Venus latos iam nunc migravit in agros,
 Verbaq. aratoris rustica discit Amor.
 O ego cum dominam aspicerem, quàm fortiter illic
 Versarem ualido pingue bidente solum,
 Agricolaq. modo curuum sectarer aratrum,
 Dum subigunt steriles arua ferenda boues.
 Nec quererem, quòd sol graciles exureret artus,
 Laderet aut teneras pustula rupta manus.
- ibid. - Pauit & Admeti tauros formosus Apollo;
 Nec cithara, intonsæ profuerunt ue comæ:
 Nec potuit curas sanare salubribus herbis.
 Quicquid erat medicæ uicerat artis Amor.
- ibid. - Ipse deus solitus stabulis expellere uaccas,

*

Et miscere nouo docuisse coagula lacte,
- ibid. - Lacteus & mistis obriguisset liquor.
 Tunc fiscella leui detexta est uimine iunci,
 Raraq. per nexus est uia facta sero.
 Ah quoties, illo uitulum gestante per agros,
 Dicitur occurrens erubuisse soror.
 Ah quoties ausæ, caneret dum ualle sub alta,

Rumpere

Rumpere mugitu carmina docta boues.
 Sæpe duces trepidis petiere oracula rebus :
 Venit & a templis irrita turba domum.
 Sæpe horrere sacros doluit Latona capillos ,
 Quos admirata est ipsa nouerca prius .
 Quisquis inornatumq. caput , cineresq. solutos
 Aspiceret , Phæbi quæreret ille comam .
 Delos ubi nunc Phæbe tua est , ubi delphica Pytho ? - *ibid.*
 Nempe Amor in parua te iubet esse casa .
 Felices olim , Veneri cum fertur aperte
 Servire æternos non puduisse deos .
 - Fabula nunc ille est : sed cui sua cura puella , - *ibid.*
 - Fabula sit , mauult , quàm sine amore deus . - *ibid.*
 At tu quisquis is es , cui tristi fronte Cupido
 Imperitat , nostra sint tua castra domo .
 Ferrea non uenerem , sed prædam sæcula laudant .
 Præda tamen multis est adoperta malis .
 Præda feras acies cingit discordibus armis :
 Hinc cruor , hinc cædes , mors propiorq. uenit .
 Præda uago iussit geminare pericula ponto ,
 Bellica cum dubijs rostra dedit ratibus .
 Prædator cupit immensos obsidere campos ,
 Vt multo innumetam iugere pascat ouem .
 Cui lapis extremus curæ est ; urbisq. tumultu ,
 Portatur ualidis multa columna iugis .
 Claudit & indomitum moles mare , lentus ut intra ,
 Negligat hibernas piscis adesse minas .
 At tibi lata trahant Samiæ conuiuia testæ ,
 Fictaq. Cumana lubrica terra rota .

Eheu diuitibus uideo gaudere puellas,

Iam ueniant prædæ, si Venus optat opes:

Vt mea luxuria Nemesis fluat, utq. per urbem

Incedat donis conspicienda meis.

Illa gerat uestes tenues, quas fœmina Cea

Texuit, auratas disposuitq. uias.

Illi sint comites fuscæ, quos India torret,

Solis & admotis inficit ignis equis!

Illi selectos certent præbere colores.

Africa puniceum, purpureumq. Tyros.

Nota loquor. regnum ipse tenet, quem sæpe coegit.

Barbara gipsatos ferre catasta pedes.

At, tibi dura seges, Nemesis qui abducis ab urbe,

Persoluat nulla semina terra fide.

Et tu Bacche tener, incundæ consitor uux.

Tu quoque deuotos Bacche relinque lacus.

Haud impune licet formosas tristibus agris

Abdere. non tanti sunt tua musta pater.

O ualeant fruges: ne fuit modo rure puellæ,

Glans alat, & prisco more bibantur aquæ.

Glans aluit ueteres, & passim semper amarunt.

Quid nocuit, sulcos non habuisse satos?

Tum, quibus aspirabat Amor, præbebat aperte

Mitis in umbrosa gaudia ualle Venus.

Nullus erat custos, nulla exclusura dolentes

Ianuæ. si fas est, mos precor ille redi.

Ab pereant artes, & mollia iura colendi,

* utinam ueteri peragrantes more puellæ

Horrida

Horrida uillosa corpora ueste tegant.
 Nunc, si clausa mea est, si copia rara uidendi,
 Heu miserum laxam quid iuuat esse togam?
 Ducite: ad imperium dominæ sulcabitur agros:
 Non ego me uinclis, uerberibusq. nego.

E L E G I A I I I I.

IC mihi seruitium uideo dominamq. paratâ.
 S Iam mihi libertas illa paterna uale.
 Seruitium sed triste datur, teneorq. catenis,
 Et nunquam misero uincla remittit Amor.
 Et, seu quid merui, seu quid peccauimus, uror.
 Vror, id remoue saua puella faces.
 O ego, ne possim tales sentire dolores,
 Quàm mallet in gelidis montibus esse lapis;
 Stare uel insanis cautes obnoxia nentis,
 Naufraga quam uasti tunderet unda maris.
 Nunc & amara dies, & noctis amarior umbra est.
 Omnia nam tristi tempora felle madent.
 Nec prosunt elegi, nec carminis auctor Apollo.
 Illa caua pretium flagitat usque manu.
 Ite procul Musæ, si non proudestis amanti.
 Non ego uos, ut sint bella canenda, colo.
 Nec refero solisq. nias, & qualis, ut orbem
 Complèuit, uersis luna recurrat equis.
 Ad dominam faciles aditus per carmina quero.
 Ite procul Musæ, si nihil ista ualent.
 At mihi per cædem, & facinus sunt dona paranda;
 Ne iaceam clausam flebilis ante domum.

Aut



Aut rapiam suspensa sacris insignia fanis.

— *Sed Venus ante alios est uiolanda mihi.* *u. d. fol. 53:*
Illam malum facinus suadet, dominamq. rapacem.

Dat mihi: sacrilegas sentiat illa manus.

O pereat quicumque legit uiridesq. smaragdos,

Et niueam Tyrio murice tingit ouem.

Hic dat auaritiæ caussas, & Cæa puellis

Vestis, & e rubro lucida concha mari.

Hæc fecere malas: hinc clauem ianua sensit,

Et cæpit custos liminis esse canis.

— *Sed pretium si grande feras, custodia uicta est,* *167.*

Nec prohibent claues, & canis ipse tacet.

Heu quicumque dedit formam cælestis auaræ,

Quale bonum multis attulit ipse malis.

Hinc fletus, rixæq. sonat: hæc denique caussa

Fecit, ut infamis hic deus esset Amor.

At tibi, quæ pretio uictos excludis amantes,

Eripiant partas uentus, & ignis opes.

Quin tua tunc iuuenes spectent incendia leti,

Nec quisquam flammæ sedulus addat aquam:

Seu ueniet tibi mors, neque erit, qui lugeat, ullus,

Nec qui det mæstas munus in exequias.

At bona, quæ nec auara fuit, centum licet annos

Vixerit, ardentem flebitur ante rogam.

Atque aliquis senior, ueteres ueneratus amores,

Annua construëto ferta dabit tumulo,

Et, bene, discedens dicet, planeq. quiescas,

Terraq. securæ sit super ossa leuis.

Vera quidem moneo: sed prosunt quid mihi uera?

Illius

Illius est nobis lege colendus amor.
 Quin etiam sedes iubeat si uendere auitas,
 Ite sub imperium, sub titulumq. lares.
 Quicquid habet Circe, quicquid Medea ueneni,
 Quicquid & herbarum Thessala terra gerit,
 Et quod, ubi indomitis gregibus Venus afflat amores,
 Hippomanes cupida stillat ab inguine equæ.
 Si modo me placido uideat Nemesis mea uultu;
 Mille alias herbas misceat illa, bibam.

E L E G I A V.

— Hæbe faue, nouus ingreditur tua tēpla sacerdos, *vid. fl. 53:*
 P Huc age cum cithara, carminibusq. ueni.
 Nunc te uocales impellere pollice chordas,
 Nunc precor ad laudes flectere uerba meas.
 Ipse triumphali deuinctus tempora lauro,
 Dum cumulant aras, ad tua sacra ueni: *ibid.:*
 Sed nitidus, pulcherq. ueni, nunc indue uestem
 Sepositam, longas nunc bene pectē comas.
 Qualem te memorant, Saturno rege fugato,
 Victori laudes concinuisse Ioui.
 Tu procul euentura uides: tibi deditus augur
 Scit bene, quid fati prouida cantet auis.
 Tuq. regis sortes: per te præsenti haruspex,
 Lubrica signauit cum deus exta notis.
 Te duce Romanos nunquam frustrata Sibylla est,
 Abdita quæ senis fata canit pedibus.
 Phæbe sacras Messallinum sine tangere chartas *ibid.:*
 Vatis, & ipse precor, quid canat illa, doce.

Hæc

Hæc dedit Aeneæ sortes, postquam ille parentem
Dicitur, & captos sustinuisse lares.

— 160: Hæc fore credebat Romam, cum mæstus ab alto
Ilion, ardentes respiceretq. deos.

Romulus æternæ nondum fundauerat urbis

Mœnia, consorti non habitanda Remo.

— Sed tunc pascebant herbosa palatia uacca, — 260:

Et stabant humiles in Iouis arce casæ.

Lacte madens illic suberat Pan ilicis umbræ,

Et facta agresti lignea falce Pales,

Pendebatq. uagi pastoris in arbore uotum

Garrula siluestri fistula sacra deo,

Fistula, cui semper decrescit arundinis ordo:

Nam calamus cera iungitur usque minor.

At, quæ Velabri regio patet, ire solebat

Exiguus pulla per uada lynter aqua:

Illæ sæpe, gregis diti placitura magistro,

Ad iuuenem festa est ueda puella die:

Cum qua fecundi redierunt munera ruris,

Casæus, & nixæ candidus agnus ouis.

— Impiger Aenea uolitantis frater amoris, — 260:

Troica qui profugis sacra uehis ratibus,

Iam tibi Laurentes assignat Iuppiter agros,

Iam uocat errantes hospita terra lares.

Illic sanctus eris, cum te ueneranda Numici

Vnda deum cælo miserit indigetem.

Ecce super fessas noliât Victoria puppes:

Tandem ad Troianos diua superba nenit.

Ecce mihi lucent Rutulis incendia castris.

Iam

Iam tibi prædico barbæ Turne necem.
 Ante oculos Laurens castrum, murusq. Lauini est,
 Albaq. ab Ascanio cõdita longa duce.
 Te quoque iam uideo, Marti placitura sacerdos
 Ilia, Vēstales deseruisse focos,
 Concubitusq. tuos furtim, uittasq. iacentes,
 Et cupidi ad ripas arma relicta dei.
 Carpite nunc tauri de septem montibus herbas,
 Dum licet: hic magnæ nam locus urbis erit.
 Roma tuum nomen terris fatale regendis,
 Quà sua de calo prospicit arua Ceres,
 Quaq. patent ortus, & quâ fluitantibus undis
 Solis anhelantes abluit annis equos.
 Troia quidem tunc se mirabitur, & sibi dicet
 Vos bene tam longam consuluisse uiam.
 Vera cano: sic usque sacras innoxia lauros — 760.
 Vescar, & æternum sit mihi uirginitas.
 Hæc cecinit uates, & te sibi Phæbe uocauit,
 Iactauit fusas & caput ante comas.
 — Quicquid Amalthea, quicquid Marpesia dixit, — 760.
 Eryphile Phæbo grata quod admonuit,
 — Quasq. Albana sacras Tiberis per flumina sortes — 760.
 Portarit, sicco perlueritq. sinu. — 760.
 Hæ fore dixerunt belli mala signa cometen,
 Multus ut in terras deplueritq. lapis.
 Atque tubas, atque arma ferunt strepitantia calo
 Audita, & lucos præcinnisse fugam.
 Ipsum etiam solem defectum lumine uidit
 Iungere pallentes nubilus annus equos,

Et simulacra deum lacrymas fudisse tepentes,
 Fataq. uocales præmonuisse boues.
 Hæc fuerant olim: sed tu iam mitis Apollo
 Prodigia indomitis merge sub æquoribus:
 Et succensa sacris crepitet bene laurea flammis;
 Omine quo felix, & sacer annus eat.
 Laurus ubi bona signa dedit, gaudete coloni.
 Distendet spicis horrea plena Ceres.
 Oblitus & musto feriet pede rusticus uuas,
 Dolia dum, magni deficiuntq. lacus.
 At madidus Baccho sua festa Palilia pastor
 Concinet. a stabulis tunc procul este lupi.
 Ille leuis stipulæ solennis potus acervos
 Accendet, flammâs trasilietq. sacras,
 Et fætus matrona dabit, natnsq. parenti
 Oscula compressis auribus eripiet.
 Nec tædebit auum paruo aduigilare nepoti,
 Balbaq. cum puero dicere uerba senem.
 Tunc operata deo pubes discumbet in herba,
 Arboris antiquæ quæ leuis umbra cadet.
 Aut e ueste sacris tendent umbracula fertis
 Vineta, coronatus stabit & ipse calix.
 At sibi quisque dapes, & festas extruet alte
 Cespitibus mensas, cespitibusq. torum.
 Ingeret hic potus iuuenis maledicta puellæ,
 Postmodo quæ uotis irrita facta uelit.
 Nam ferus ille suæ, plorabit sobrius idem,
 Et se iurabit mente fuisse mala.
 Pace tua, pereant arcus, pereantq. sagittæ

Phæbe

Phæbe, modo in terris erret inermis Amor.
 Ars bona; sed postquam sumpsit sibi tela Cupido,
 Hei mihi quàm multis ars dedit illa malum,
 Et mihi præcipue, taceo cum saucius annum,
 Et faueo morbo, cum iuuat ipse dolor.
 Vixq. cano Nemefim, sine qua uersus mihi nullus
 Verba potest, istos aut reperire pedes.
 At tu, (nam diuum seruat tutela poetas)
 Præmoneo, uati parce puella sacro.
 Vt Messallinum celebrem, cum, præmia belli,
 Ante suos currus oppida uicta feret,
 Ipse gerens laurus, lauro deuinctus agresti,
 Miles io magna uoce triumphæ canet.
 Tunc Messalla meus pia det spectacula turbæ,
 Et plaudat curru prætereunte pater.
 Annue: sic tibi sint intonsi Phæbe capilli,
 Sic tua perpetuo sit tibi casta soror.

E L E G I A VI.

Astra Macer sequitur. tenero quid fiet Amo
 C Sit comes, et collo fortiter arma gerat. (ri?
 Et seu longa uirum terræ uia, seu uaga ducent
 Aequora, cum telis ad latus ire uolet. *vid. fol. 54.*
 Vre puer quæso tua qui ferus ocia liquit,
 Atque iterum erronem sub tua signa uoca.
 Quòd si militibus parces, erit hic quoque miles
 Ipse, leuem galea qui sibi potet aquam.
 Castra peto, ualeatq. Venus, ualeantq. puella.
 Et mihi sunt uires, & mihi grata tuba est. *7620:*

Magna

Magna loquor . sed magnifice mihi magna locuto
 Excutiunt clausæ fortia uerba fores .

Iuravi quoties , rediturum ad lumina nunquam .

Cum bene iuravi , pes tamen ipse redit .

Acer Amor fractas utinam tua tela sagittas ,

— Scilicet extinctas aspiciamq. faces . *vid. fol. 14.*

Tu miserum torques : tu me mihi dira precari

Cogis , & insana mente nefanda loqui .

Iam mala finissem leto : sed credula uitam

Spes fouet , & , melius cras fore , semper ait .

Spes alit agricolas : spes sulcis credit aratis

Semina , quæ magno sænore reddat ager :

Hæc laqueo uolucres , hæc captat arundine pisces ,

Cum tenues hamos abdidit ante cibus .

Spes etiam ualida solatur compede uinctum :

Crura sonant ferro , sed canit inter opus .

Spes facilem Nemefim spondet mihi , sed negat illa .

Hei mihi ne uincas dura puella deam .

Parce , per immatura tuæ præcor ossa sororis .

Sic bene sub tenera parua quiescat humo .

Illa mihi sancta est : illius dona sepulcro ,

Et madefacta meis ferta feram lacrymis .

Illius ad tumulum fugiam , supplexq. sedebo ,

Et mea cum muto fata querar cinere .

Non feret usque suum te propter flere clientem .

Illius , ut , uerbis , sis mihi dura , ueto .

Ne tibi neglecti mittant mala somnia manes ,

Mæstaq. sopitæ stet soror ante torum .

Qualis ab excelsa præceps delapsa fenestra

Venit

Venit ad infernos sanguinolenta lacus.
 Desino, ne dominæ luctus renouentur acerbi.
 Non ego sum tanti, ploret ut illa semel.
 Nec lacrymis oculos digna est scdare loquaces,
 Lena nocet nobis : ipsa puella bona est.
 - Lena uetat miserum Phrynē, furtimq. tabellas - *187d:*
 Occulto portans itq. reditq. sinu.
 Sæpe ego cum dominæ dulces a limine diro
 Agnosco uoces, hæc negat esse domi.
 Sæpe ubi nox promissa mihi est, languere puellam
 Nunciat, aut aliquas extimuisse minas.
 Tunc morior curis : tunc mens mea perdita fingit,
 Quis ue meam teneat, quot teneat ue modis :
 Tunc tibi lena precor diras. satis anxia uiuas,
 Mouerit e uotis pars quotacunque deos.

ALBII TIBULLI, EQVITIS ROMANI

L I B E R III.

ARTIS Romani festa uenere calenda. *Virg. fol. 54.*

M Exoriens nostris hic fuit annus auis.
 Et uaga nunc certa discurrūt undique pompa,
 Perq. uias urbis munera, perq. domos.
 Dicite Pierides, quonam donetur honore
 Seu mea, seu fallor, cara Neæra tamen.
 Carmine formosæ, pretio capiuntur auaræ :
 Gaudeat, ut digna est, uersibus illa tuis. - *187d:*

d

Lutea

Lutea sed niueum inuoluas membrana libellum,

Pumex & canas tondeat ante comas,

Summaq. prætexat tenuis fastigia chartæ,

Indicet ut nomen littera facta tuum:

Atque inter geminas pingantur cornua frontes.

Sic etenim comptum mittere oportet opus.

Per uos auctores huius mihi carminis oro,

Castaliamq. umbram, Pieriosq. lacus,

Ite domum, cultumq. illi donate libellum,

Sicut erit: nullus defluat inde color.

Illa mihi referat, si nostri mutua cura est,

An minor; an toto pectore deciderim.

Sed primum nympham larga donate salute,

Atque hæc submisso dicite uerba sono.

Hæc tibi uir quondam, nunc frater, casta Neera,

Mittit, & accipias munera parua, rogat,

Teq. suis iurat caram magis esse medullis,

Sive sibi coniux, siue futura soror:

Sed potius coniux: huius spem nominis illi

Auferet extincto pallida Ditis aqua

E L E G I A I I.

VI primum caram iuueni, carumq. puella

Eripuit inuenem, ferreus ille fuit.

Durus & ille fuit: qui tantum ferre dolorem,

Viuere & erepta coniuge qui potuit.

Non ego firmus in hoc: non hæc patientia nostro

Ingenio. frangit fortia corda dolor.

Nec mihi uera loqui pudor est, uitæq. fateri

— Tot mala perpeſſæ tot ſupereſſe meæ. — *16id.*
 Ergo ego cum tenuem fuero mutatus in umbram,
 Candidaꝫ oſſa ſuper nigra ſauilla teget,
 Ante meum ueniat longos incompta capillos,
 Et ſleat ante meum mæſta Neæra roguꝫ.
 Sed ueniat caræ matris comitata dolore,
 Mæreat hæc genero, mæreat illa uiro.
 Præſatæ ante meos manes, animamꝫ precatæ,
 Perfuſæꝫ. pias ante liquore manus,
 Pars quæ ſola mei ſuperabit corporis, oſſa
 Incinctæ nigra candida ueste legant;
 Et primum annoſo ſpargant collecta Lyæo,
 Mox etiam niueo fundere lacte parent.
 Poſt hæc carbæſeis humorem tollere uelis,
 Atque in marmorea ponere ſicca domo.
 Illic, quas mittit diues Panchaia merces,
 Eoiꝫ. Arabes, pinguis & Aſſyria.
 Et noſtri memores lacrymæ fundantur eodem.
 Sic ego componi uerſus in oſſa uelim.
 Sed triſtem mortis demonſtrent littera cauſam,
 Atque hæc in celebri carmina fronte notet.
 Lygdamus hic ſitus eſt, dolor huic, & cura Neæra — *16id.*
 Coniugis ereptæ cauſſa perire fuit.

B L E G I A I I I.

16id. — V I D prodeſt calum uotis impleſſe Neæra?
 Q Blandaꝫ. cum multa tura dediſſe prece?
 Non ut marmorei prodirem e limine teſti
 Inſignis clara, conſpicuusꝫ. domo,

Aut ut multa mei renouarent iugera tauri,

Et magnas messes terra benigna daret.

Sed tecum ut longæ sociarem gaudia uitæ,

Inq. tuo caderet nostra senecta sinu:

Tunc cum permenso defunctus, tempore lucis

Nudus Lethæa cogeret ire rate.

Nam graue quid prodest pondus mihi diuitis auri,

Aruaq. si findant pinguia mille boues?

Quid ue domus prodest Phrygijs innixa eolumnis,

Tanare siue tuis, siue Caryste tuis?

Et nemora in domibus sacros imitantia lucos,

Aurataq. trabes, marmoreumq. solum?

Quid ue in Erythræo legitur quæ litore concha,

Tinctaq. Sydonio murice lana iuuat?

Et quæ præterea populus miratur in illis,

Inuida quæ falso plurima uulgus amat.

*Non opibus mentes homini, curaq. leuantur: —, *id.**

Nam Fortuna sua tempora lege regit.

Sit mihi paupertas tecum iocunda Neæra.

At sine te regum munera nulla uolo.

O niueam, quæ te poterit mihi reddere, lucem.

O mihi felicem terque, quaterq. diem.

At si pro dulci reditu, quæcunque uouentur,

Audiat auersa non meus aure deus:

Nec me regna iuuent, nec Lydius aurifer amnis,

Nec quas terrarum sustinet orbis opes.

Hæc alij cupiant: liceat mihi paupere cultu

Securo cara coniuge posse frui.

Assis, & timidis faueas Saturnia uotis,

Et faueas

Et faueas concha Cypria ueſta tua.
 Aut, ſi fata negant reditum, triſtesq. ſorores,
 Stamina quæ ducunt, quæq. futura neunt;
 Me uocet in uastos amnes, nigramq. paludem
 Diues in ignaua luridus Orcus aqua.

E L E G I A I I I I.

I meliora ferant, nec ſint inſomnia uera, — *ibid.*
 D Quæ tulit heſterna peſſima nocte quies.
 Ite procul uani, falſumq. auertite uiſum,
 — Deſinite in uotis quærere uelle fidem. — *ibid.*
 Diui uera monent: uenturæ nuncia ſortis, — *ibid.*
 Vera monent Tuſcis exta probata uiris. — *ibid.*
 Somnia fallaci ludunt temeraria nocte,
 Et pauidas mentes falſa timere iubent.
 At natum in curas hominum genus, omnia noctis — *ibid.*
 Farre pio placant, & ſaliente ſale.
 Et tamen, utcunque eſt, ſiue illi uera monenti,
 Mendaci ſomno credere ſiue uolent;
 Efficiat uanos noctis Lucina timores,
 Et fruſtra immeritum pertimuiſſe uelit:
 Si mea nec turpi mens eſt obnoxia factio,
 Nec læſit magnos impia lingua deos.
 Iam nox ætherium nigris emenſa quadrigis — *ibid. fol. 56*
 Mundum cæruleo lauerat amne rotas.
 Nec me ſopierat menti Deus utilis ægræ
 Somnus. ſollicitas deficit ante domos. — *ibid.*
 Tandem, cum ſummo Phæbus proſpexit ab ortu,
 Preſſit languentiſ lumina ſera quies.

Hic iuuenis casta redimitus tempora lauro
 Est uisus nostra ponere sede pedem.
 Non illo quicquam formosius ulla priorum
 Aetas, humanum nec uidet illud opus.
 Intonsi crines longa ceruice fluebant,
 Stillabat Tyrio myrrhea rore coma.
 Candor erat, qualem præfert Latonia luna,
 Et color in niueo corpore purpureus.
 Vt iuueni primum uirgo deducta marito,
 Inficitur teneras ore rubente genas.
 Vt cum contexunt amaranthis alba puellæ
 Lilia, & autumnio candida mala rubent.
 Ima uidebatur talis illudere palla.
 Nanque hæc in nitido corpore uestis erat.
 Artis opus raræ, fulgens testudine & auro
 Pendebat læua garrula parte lyra.
 Hanc primum ueniens plestro modulatus eburno,
 Felices cantus ore sonante dedit.
 Sed postquam fuerant digiti cum uoce locuti,
 Edidit hæc tristi dulcia uerba modo.
 Salue cura deum: casto nam rite poetæ,
 Phœbusq. & Bacchus, Pieridesq. fauent.
 Sed proles Semeles Bacchus, doctæq. sorores
 Dicere non norunt, quid ferat hora sequens.
 At mihi fatorum leges, æuiq. futuri
 Euentura pater posse uidere dedit.
 Quare, ego quæ dico non fallax, accipe, uates,
 Quodq. deus uero Cynthius ore ferat.
 Tantum cara tibi, quantum nec filia matri,

Quantum

Quantum nec cupido bella puella uiro ,
 Pro qua sollicitas caelestia numina uotis ,
 Quæ tibi securos non finit ire dies ,
 Et , cum te fusco somnus uelauit amictu ,
 Vanum nocturnis fallit imaginibus .
 Carminibus celebrata tuis formosa Neera
 Alterius mauult esse puella uiri :
 - Diuersasq. suas agitat mens impia curas , - *ibid.*
 Nec gaudet casta nupta Neera domo .
 Ah crudele genus , nec fidum femina nomen :
 Ah pereat , didicit fallere si qua uirum .
 Sed flecti poterit . mens est mutabilis illi .
 Tu modo cum multa brachia tende fide .
 Sæuus amor docuit dominæ fera uerba minantis :
 Sæuus amor docuit uerbera posse pati .
 Me quondam Admeti niueas pauisse iuuenas ,
 Non est in uanum fabula ficta iocum .
 Tunc ego nec cithara poteram gaudere sonora ,
 Nec similes chordis reddere uoce sonos .
 Sed perlucens cantus meditabar auena ,
 Ille ego Latonæ filius , atque Iouis .
 Nescis quid sit amor iuuenis , si ferre recusas
 Immitem dominam , coniugiumq. ferum .
 Ergo ne dubita blandas adhibere querelas .
 Vincuntur molli pectora dura prece .
 Quod si uera canunt sacris oracula templis ,
 Hæc illi nostro nomina dicta refer .
 Hoc tibi coniugium promittit Delius ipse
 Felix . hoc alium desine uelle uirum . - *ibid.*

Dixit, & ignauus defluxit corpore somnus.

Ah ego ne possim tanta uidere mala.

Nec tibi crediderim uotis contraria uota,

Nec tantum crimen pectore inesse tuo.

Nam te nec uasti genuerunt æquora ponti,

Nec flammam uoluens ore Chimæra fero.

Nec canis anguinea redimitus terga caterua,

Cui tres sunt linguæ, tergeminumq. caput,

Scyllaq. uirgineam canibus submista figuram.

Nec te conceptam sæua læna tulit.

Barbara nec Scythiæ tellus, horrenda ne Syrtis,

Sed culta, & diris non habitanda domus,

Et longe ante alias omnes mitissima mater,

Isq. pater, quo non alter amabilior.

Hæc deus in melius crudelia somnia uertat,

Et iubeat tepidos irrita ferre notos.

E L E G I A V.

O s tenet Etruscis manat quæ fontibus unda,

V Unda sub æstiuum non adeunda canem,

Nunc autem sacris Baiarum maxima lymphis,

Cum se purpureo uere remittit humus.

At mihi Persephone nigram denunciat horam.

Immerito iuueni parce nocere dea.

Non ego tentauì nulli temeranda deorum

Audax laudandæ sacra docere deæ:

Nec mea mortiferis infecit pocula succis

Dextera, nec cuiquam certa uenena dedi:

Nec nos sacrilegos templis admouimus ignes,

Nec

vid. fol. 36.

Nec cor sollicitant facta nefanda meum :
 Nec nos insana meditantes iurgia lingue .
 Impia in aduersos soluimus ora deos .
Et nondum cani nigros lasere capillos ,
Nec uenit tardo curua senecta pede .
 Natalem primo nostrum uidere parentes ,
 — Cum cecidit fato consul uterque pari . — 760:
 Quid fraudare iuuat uitam crescentibus uuis ?
 Et modo nata mala uellere poma manu ?
 — Parcite , pallentes undas quicunque tenetis , 760:
 Duraq. sortiti tertia regna dei .
 Elysios olim liceat cognoscere campos ,
 Lethæamq. ratem , Cimeriosq. lacus ;
 Cum mea rugosa pallebunt ora senecta ,
 Et referam pueris tempora prisca senex .
 Atque utinam uano nequicquam terrear æstu :
 Languent ter quinos sed mea membra dies .
 — At uobis Thuscæ celebrantur numina lymphæ , — 760:
 Et facilis lenta pellitur unda manu .
 Viuite felices , memores & uiuite nostri ;
 Siue erimus , seu nos fata fuisse uelint .
 Interea nigras pecudes promittite Diti ,
 Et niuei lactis pocula mista mero .

E L E G I A V I .

AND IDE liber ades. sic sit tibi mystica uitis,
 C Sic edera semper tempora uincta feras .
 Aufer et ipse meū pariter medicando dolorē:
Sape tuo cecidit munere uictus Amor .

Care

Care puer, madeant generoso pocula Baccho:

Et nobis prona funde falerna manu.

Ite procul durum curæ genus, ite labores.

Fulserit hic niueis Delius alitibns,

Vos modo proposito dulces faueatis amici,

Ne ue neget quisquam me duce se comitem.

At si quis uini certamen mite recusat:

Fallat eum tecto cara puella dolo.

Ille facit dites animos deus: ille ferocem

Contudit, & dominæ misit in arbitrium.

Armenias tigres, & fuluas ille leænas

Vicit, & indomitis mollia corda dedit.

Hæc Amor, & maiora uolet, sed poscite Bacchi

Munera. quem uestrum pocula sicca iuuant,

Conuenit ex æquo, nec toruus Liber in illos,

Qui se, quiq. una uina iocosa colunt.

Iam uenit iratus nimium, nimiumq. seuerus.

Qui timet irati numina magna, bibat.

Quales his pœnas deus hic, quantumq. minetur,

Cadmeæ matris præda cruenta docet.

Sed procul a nobis hic sit timor; illaque si qua est. - 162

Quid ualeat læsi, sentiat, ira dei.

Quid precor ab demens? uenti temeraria uota

Aeriæ & nubes diripienda ferant.

Quamuis nulla mei superest tibi cura Neera,

Sis felix, & sint candida fata tua.

At nos securæ reddamus tempora mensæ,

Venit post multas una serena dies.

Hei mihi difficile est imitari gaudia falsa.

Difficile

Difficile est trīsti fingere mente iocum .
 Nec bene mendaci risus componitur ore ,
 Nec bene sollicitis ebria uerba sonant .
 Quid queror infelix ? turpes discedite cura .
 Odit Lenæus tristia uerba pater .
 Gnosia Theseæ quondam periuria linguæ
 Fleuisti ignoto sola relicta mari .
 Sic cecinit pro te doctus Minoi Catullus ,
 Ingrati referens impia facta uiri .
 Vos ego nunc moneo . felix , quicumque dolore
 Alterius disces posse carere tuo .
 Nec uos aut capiant pendentia brachia collo ,
 Aut fallat blanda sordida lingua fide .
 Et si perq̃ . suos fallax iurauit ocellos ,
 Inuonemq̃ . suam , perq̃ . suam Venerem ;
 Nulla fides inerit . periuria ridet amantum
 Iuppiter , & uentos irrita ferre iubet .
 Ergo quid toties fallacis uerba puellæ
 Conqueror ? ite a me seria uerba , precor .
 Quàm uellem longas tecum requiescere noctes ,
 Et tecum longos peruigilare dies .
 Perfida , nec merito nobis inimica : merenti
 Perfida , sed quamuis perfida , cara tamen .
 Naiada Bacchus amat . cessas o lente minister .
 Temperet annosum Martia lymp̃ha merum .
 Non ego , si fugiat nostræ conuiuia mensæ
 Ignotum cupiens uana puella torum ,
 Sollicitus repetam tota suspiria nocte .
 Tu puer & liquidum fortius adde merum . - *ibid.*

Iandudum

*Iandudum Tyrio madefactus tempora nardo
Debueram sertis implicuisse comas.*

**A L B I I T I B V L L I ,
E Q V I T I S R O M A N I ,
L I B E R I I I I .**

T *E* Messalla canam . quanquam mea cogni-
ta uirtus .

Terret , ut infirmæ ualeant subsistere uires ,

Incipiam tamen : ac , meritas si carmina laudes

Deficiant , humilis tantis sim conditor actis .

Nec tua , te præter , chartis intexere quisquam

Facta queat , dictis ut non maiora supersint .

Est nobis uoluisse satis . nec munera parua

Respueris . etiam Phæbo gratissima dona

Cres tulit , & cunctis Baccho incundior hospes

Icarus , ut puro testantur sidera cælo ,

Erigoneque , canisque : neget ne longior ætas .

Quin etiam Alcides deus ascensurus Olympum

Læta Molorchæis posuit uestigia tectis ,

Paruaq. cælestes pacauit mica , nec illis

Semper inaurato taurus cadit hostia cornu .

Hic quoque sit gratus paruus labor , ut tibi possim

Inde alios , aliosq. memor componere uersus .

Alter dicat opus magni mirabile mundi ,

Qualis in immenso defederit æere tellus ,

Qualis

*Qualis & in curuum pontus confluxerit orbem ,
Et uagus e terris , quâ surgere nititur aer ,
Huic & contextus passim fluat igneus æther ,
Pendentiq. super claudantur ut omnia cælo .
At quodcunque meæ poterunt audere camænæ ,
Seu tibi par poterunt , seu , quod spes abnuït , ultra ,
Siue minus , certeq. canent minus , omne mouemus
Hoc tibi , ne tanto careat mihi nomine charta .
Nam , quanquam antiquæ gentis superent tibi laudes ,
Non tuâ maiorum contenta est gloria fama ,
Nec quæris quid qua iudex sub imagine dicat ,
Sed generis priscos contendis uincere honores ,
Quâm tibi maiores , maius decus ipse futuris .
At tua non titulus capiet sub nomine facta ,
Aeterno sed erunt tibi magna uolumina uersu ,
Conuenientq. tuas cupidi componere laudes
Vndique quiq. canent uincto pede , quiq. soluto .
Quis potius , certamen erit . sim uictor in illis ,
Vt nostrum tantis inscribam nomen in actis .
Quisque tibi maiora gerit castris ue , foro ue ,
Nec tamen hinc , aut hinc , tibi laus maior ue , minor ue ,
Iusta pari premitur ueluti cum pondere libra
Prona , nec hac plus parte sedet , nec surgit ab illa .
Qualis , in æquatum si quando onus urget utrinque ,
Instabilis natat alterno depressior orbe .
Nam seu diuersi fremat inconstantia uulgi ,
Non alius sedare queat : seu iudicis ira
Sit placanda , tuis poterit mitescere uerbis .
Non Pylos , aut Ithace tantos genuisse feruntur ,*

Nestora

Nestora, uel parua magnum decus urbis *Vlysseni*,
 Vixerit ille senex quamuis, dum terna per orbem
 Secula fertilibus Titan decurreret horis.
 Ille per ignotas audax errauerit urbes,
 Quæ maris extremis tellus includitur undis.
 Nam Cyconumq. manus aduersis reppulit armis:
 Non ualuit Cyclops cæptos auertere cursus.
 Cessit & Aetnæ Neptunius incola rupis
 Viستا Maroneo sædatus lumina Baccho.
 Vexit & Aeolios placidum per Nerea uentos,
 Incultos adiit Lestrygonas, Antiphatenque,
 Nobilis Artaciæ gelidæ quos irrigat unda.
 Solum nec doctæ uerterunt pocula Circes:
 Quamuis illa foret solis genus, apta uel herbis,
 Aptaq. uel cantu ueteres mutare figuras.
 Cimmeriæon etiam obscuras accessit ad oras,
 Queis nunquam candente dies apparuit ortu,
 Siue super terras Phæbus, seu curreret infra.
 Vidit, ut inferno Plutoni subdita regna.
 Magna deum proles leuibus discurreret umbris.
 Præterijtq. cita Sirenum littora puppi.
 Illum tergeminæ nantem consinia mortis
 Nec Scyllæ sæuo conterruit impetus orbe,
 Cum canibus rapidas inter freta serperet undas,
 Nec uiolenta suo consumpsit more Charybdis,
 Vel si sublimis fluctu consurgeret imo,
 Vel si interrupto nudaret gurgite pontum.
 Non uiolata uagi sileantur pascua solis.
 Non amor, & sæcunda Atlantidos arua Calypsus,

Finis

*Finis & errorum misero Phæacia tellus.
Atque hæc seu nostras inter sunt cognita terras,
Fabula siue nouem dedit his erroribus orbem,
Sit labor illius, tua dum facundia maior.
Nam te non alius belli tenet aptius artes,
Quà diceat tutam castris præducere fossam,
Qualiter aduersos hosti defigere nervos,
Quem ue locum ducto melius sit claudere uallo,
Fontibus ut dulces erumpat terra liquores:
Vt facilisq. tuis aditus sit, & arduus hosti,
Laudis & assiduo uigeat certamine miles.
Quis tardam ue sudem melius, celerem ue sagittam
Iecerit, aut lento perfregerit obuia pilo?
Aut quis equum celerem ue arcto compescere fræno
Possit, & effusas tardo permittere habenas?
Inq. uicem modo directo contendere cursu,
Seu libeat curuo breuius contendere gyro,
Parma seu quos dextra uelit, seu læua tueri,
Siue hac, siue illac grandis uenit impetus hastæ,
Amplius aut signata cita loca tangere funda.
Iam simul audacis ueniunt certamina Martis,
Aduersisq. parant acies concurrere signis.
Tunc tibi non desit, faciem componere pugnae,
Seu sit opus quadratum acies consistat in agmen,
Rectus inæquatis concurrat frontibus ordo:
Seu libeat duplices, seu iunctum cernere Martem,
Dextraq. ut læuum teneat, dextrumq. sinistra
Miles, sitq. duplex gemini uictoria casus.
At non per dubias errant mea carmina laudes.*

Nam

Nam bellis experta cano. testis mihi uictæ
 Fortis lapygiæ miles, testis quoque fallax
 Pannonius, gelidas passim disiectus in Alpes.

* Testis Arupinus, & pauper natus in armis.
 Quem si quis uideat uetus ut non fregerit ætas,
 Terna minus Pylæ miretur sæcula famæ.
 Nanque senex longe peragit dum sæcula uitæ,
 Centum sæcundos Titan renouauerit annos,
 Ipse tamen uelox celerem super edere corpus
 Audet equum, ualidisq. sedet moderator habenis.
 Te duce non alias conuersus terga domator
 Libera Romanæ subiecit colla catenæ.
 Nec tamen his contentus eris: maiora peractis
 Instant, compertum est ueracibus ut mihi signis,
 Queis Amithaonius nequeat certare Melampus.
 Nam modo fulgentem Tyrio subtegmine uestem
 Indueras, oriente die duce fertilis anni,
 Splendidior liquidis cum sol caput extulit undis,
 Et fera discordes tenuerunt flamina uenti,
 Curua nec assuetos egerunt flumina cursus,
 Quin rapidum placidis etiam mare constitit undis.
 Vlla nec aerias uolucris perlabitur auras,
 Nec quadrupes densas depascitur aspera siluas:
 Quin largita tuis sunt multa silentia uotis.
 Iuppiter ipse leui uectus per inania curru
 Affuit, & cælo uicinum liquit Olympum,
 Intenta q. tuis precibus se præbuit aure,
 Cuncta q. ueraci capite annuit additus aris.
 Lætior eluxit struētōs super ignis acervos.

Quin

Quin, hortante deo, magnis insistere rebus
 Incipe. non iſdem tibi ſunt, alijsq. triumphis,
 Non te uicino remorabitur obuia Marte
 Gallia, nec latis audax Hiſpania terris,
 Nec fera Rhetæo tellus obſeſſa colono,
 Nec quæ uel Nilus, uel regia lymphæ Diaſſes
 Profluit, aut rapidus Cyri dementia Gindes,
 Cretæis ardens aut unda Cariftia campis.
 Nec quæ regna uago Tomiris finiuit Araxe,
 Impia nec ſæuis celebrans conuiuia menſis.
 Vltima uicinus Phæbo tenet arua Padæus,
 Quæq. Hebrus, Tanaisq. Getas rigat, atque Moſinos.
 Quid moror? oceanus ponto qua continet orbem,
 Nulla tibi aduerſis regno ſeſe offeret armis.
 Te manet inuiſtus Romano Marte Britannus,
 Teq. interieſto mundi pars altera ſole.
 Nam circumfuſo conſiſtit in ære tellus,
 Et quinque in partes totus diſponitur orbis,
 Atque duæ gelido naſtantur frigore ſemper.
 Illic & denſa tellus abſconditur umbra,
 Et nulla incepto perlabitur unda liquore,
 Sed durata riget denſam in glaciemq. niuemq.,
 Quippe ibi non unquam Titan ſuper ingerit ortus.
 At media eſt Phæbi ſemper ſubieſta calori,
 Seu propior terris æſtium fertur in orbem,
 Seu celer hybernas properat decurrere luces.
 Non ergo preſſo tellus conſurgit aratro:
 Nec frugem ſegetes præbent, nec pabula terræ,
 Non illi colit arua deus, Bacchus ue, Ceres ue,

Nulla nec exustas habitant animalia partes .
 Fertilis hanc inter posita est , interq. rigentes ,
 Nostraq. & huic aduersa solo pars altera nostro ,
 Quas similes utrinque tenens uicinia cali
 Temperat : alter & alterius uires negat aer .
 Hinc placidus nobis per tempora uertitur annus .
 Hic & colla iugo didicit summittere taurus ,
 Et lenta excelsos uitis conscendere ramos ,
 Tondeturq. seges maturos annua partus ,
 Et ferro tellus , pontus confinditur ære .
 Quin etiam struclis exurgunt oppida muris .
 Ergo ubi præclaros poscent tua facta triumphos ,
 Solus utroque idem diceris magnus in orbe .
 Non ego sum satis ad tantæ præconia laudis ,
 Ipse mihi non si præscribat carmina Phæbus .
 Est tibi , qui possit magnis se accingere rebus ,
 Valgius . æterno propior non alter Homero .
 Languida non noster peragit labor ocia , quamuis
 Fortuna , ut mos est illi , me aduersa fatiget .
 Nam mihi cum magnis opibus domus alta niteret ,
 Cui fuerant flauī ditantes ordine sulci ,
 Horrea fœcundis indeficientia mensis ,
 Cuiq. pecus denso pascebant agmine colles ,
 Et domino satis , & nimium furiq. , lupoq. ;
 Nunc desiderium superest . nam cura nouatur ,
 Cum memor accitos semper dolor admonet annos ;
 Sed licet asperiora cadant , spolierq. relictis ;
 Non te deficient nostræ memorare camænæ :
 Nec solum tibi Pierij tribuentur honores :

Pro te uel rapidas aufim maris ire per undas ,
 Aduersis hiberna licet tumeant freta uentis :
 Pro te uel solus densis obsistere turmis ,
 Vel paruum Aetnae corpus committere flammæ ,
 Sum quodcunque , tuum est . nostri si paruula cura
 Sit tibi , quanta libet , si sit modo non mihi regna
 Lydia , non magni potior sit fama Gylippi ,
 Posse Meleteas nec mallem mittere chartas .
 Quod tibi si uersus noster totus ue minus ue ,
 Vel bene si totus , summo uel inerret in ore ;
 Nulla mihi statuent finem te fata canendi .
 Quin etiam , mea cum tumulus contexerit ossa ,
 Seu matura dies fato properat mihi mortem :
 Longa manet seu uita , tamen mutata figuram ,
 Seu me finget equum rigidos percurrere campos
 Doctum , seu tardi pecoris sim gloria taurus ,
 Siue ego per liquidum uolucris uehar aera pennis ,
 In quemcunque hominem me longa receperit ætas ,
 Inceptis de te subtexam carmina chartis .

Vlpicia est tibi culta tuis Mars magne calen
 S Spectatum e cælo , si sapis , ipse ueni . (dis.
 Hoc Venus ignoscet . at tu uolente caueto ,
 Ne tibi miranti turpiter arma cadant .
 Illius ex oculis , cum uult exurere diuos ,
 Accendit geminas lampadas acer Amor .
 Illam , quicquid agit , quoquò uestigia mouit ,
 Componit furtim , subsequiturq. decor .
 Seu soluit crines , fufis decet esse capillis :

Seu soluit crines , fusis decet esse capillis :

Seu compsit ; comptis est ueneranda comis .

Vrit , seu Tyria uoluit procedere palla :

Vrit , seu niuea candida ueste uenit .

Talis in æterno felix Vertumnus Olympo

Mille habet ornatus , mille decenter habet .

Sola puellarum digna est , cui mollia caris

Vellera det succis bis madefacta Tyros ,

Possideat quæ . metit quicquid bene olentibus aruis

Cultor odoratæ diues Arabs segetis ,

Et quascunque , niger rubro de littore conchas

Proximus Eois colligit Indus aquis .

Hanc uos Pierides festis cantate calendis ,

Et testudinea Phæbe superbe lyra .

Hoc solenne sacrum multos celebretur in annos .

Dignior est uestro nulla puella choro .

S V L P I C I A A D C H E R I N T H V M .

Arce meo iuueni , seu quis bona pascua cāpi ,

P *Seu colis umbrosi denia montis aper .*

Nec tibi sit duros acuisse in pectora dentes .

Incolumem custos hunc mihi seruet Amor .

Sed procul abducit uenandi Delia cura ,

O pereant siluæ , deficientq. canes :

Quis furor est , quæ mens densos indagine colles

Claudentem , teneras ledere uelle manus ?

Quid ue iuuat furtim latebras intrare ferarum ?

Candidaq. hamatis crura notare rubis ?

Sed tamen , ut tecum liceat Cherinthe uagari ,

Ipsa

hepauanta non deturpi

Ipsa ego per montes retia torta feram.
 Ipsa ego uelocis quæram uestigia cerui,
 Et demam celeri ferrea uincla cani.
 Tunc mihi tunc placeant siluæ, si lux mea tecum
 Arguar ante ipsas concubuisse plagas.
 Tunc ueniat licet ad casses, illæsus abibit,
 Ne Veneris cupidæ gaudia turbet aper.
 Tunc sine me sit nulla Venus: sed lege Dianæ
 Caste puer casta retia tende manu.
 Et quæcunque meo furtim subrepit amori,
 Indicat in sæuas diripienda feras.
 At tu uenandi studium concede parenti,
 Et celer in nostros ipse recurre sinus.

A D P H O E B U M.

Vc ades, & teneræ morbos expelle puellæ,
 Huc ades intonsa Phæbe superbe coma.
 Crede mihi propera: nec te iâ Phæbe pigebit
 Formosæ medicas applicuisse manus.
 Effice neu macies pallentes occupet artus,
 Neu notet informis pallida membra color.
 Et quodcunque mali est, & quicquid triste timemus,
 In pelagus rapidis euehat amnis aquis.
 Sancte ueni, tecumq. feras quicunque saporés,
 Quicunque & cantus corpora fessa leuant.
 Neu iuuenem torque, metuit qui fata puellæ,
 Votaq. pro domina uix numeranda facit.
 Interdum uouet: interdum, quod langueat illa,
 Dicit in æternos aspera uerba deos.

Pone metum Cherinthe . deus non lædit amantes .

Tu modo semper ama . salua puella tibi est .

Nil opus est fletu : lacrymis erit aptius uti ,

Si quando fuerit tristior illa tibi .

At nunc tota tua est , te solum candida secum

Cogitat , & frustra credula turba sedet .

Phæbe faue : laus magna tibi tribuetur , in uno

Corpore seruato restituisse duos .

Iam celebrer , iam letus eris , cum debita reddet

Certatim sanctis letus uterque focus .

Tunc te felicem dicet pia turba deorum ,

Optabunt artes & sibi quisque tuas .

AD CHERINTHVM.

ST qui te Cherinthe dies dedit hic mihi sãctus

E Atque inter festos semper habendus erit .

Te nascente nouum parca cecinere puellis

Seruitium , & dederunt regna superba tibi .

Vror ego ante alias . inuat hoc Cherinthe , quòd uror ,

Si tibi de nobis mutuus ignis adest .

Mutuus assit amor , tua per dulcissima furta ,

Perq. tuos oculos , per geniumq. rogo .

Mane geni , cape tura libens , uotisq. faueto ,

Si modo , cum de me cogitat , ille calet .

Quòd si forte alios iam nunc suspirat amores ,

Tunc precor infidos sancte relinque focos .

Nec sis nunc iniusta Venus . uel seruiat æque

Vinctus uterque tibi , uel mea uincla leua .

Sed

*Sed potius ualida teneamur uterque catena ,
 Nulla queat posthac quam soluisse dies .
 Optat idem iuuenis , quod nos , sed tectius optat .
 Nam pudet hæc illum dicere uerba palam .
 At tu natalis quoniam deus omnia sentis .
 Annue . quid refert , clam ne , palam ne roget ?*

A D I V N O N E M .

*A T A L I S Iuno sanctos cape turis acervos ,
 N Quos tibi dat tenera docta puella manu .
 Tota tibi est hodie , tibi se latissima compsit ,
 Staret ut ante tuos conspicienda focos .
 Illa quidem ornandi causas tibi diua relegat .
 Est tamen occulte cui placuisse uelit .
 At tu sancta faue , ne nox diuellat amantes ,
 Sed iuueni quæso mutua uincla para .
 Sic bene compones . ulli non ille puellæ
 Seruire , aut cuiquam dignior illa uiro .
 Nec possit cupidus uigilans deprehendere custos ,
 Fallendiq. uias mille ministret Amor .
 Annue , purpureaq. ueni perlucida palla .
 Ter tibi sit libo , ter dea casta mero .
 Præcipit & nata mater studiosa , quod opret .
 Illa aliud tacita iam sibi mente roga .
 Vritur , ut celeres urunt altaria flammæ .
 Nec , liceat quamuis , sana fuisse uelit .
 Sit iuueni grata , adueniet cum proximus annus .*

S V L P I C I A L O Q V I T V R.

ANDEM uenit amor, qualem texisse pudori,
 T Quâ nudasse alicui, sit mihi fama magis.
 Exorata meis illum Cytherea camœnis
 Attulit, in nostrum deposuitq. sinum.
 Exoluit promissa Venus. mea gaudia narret,
 Dicitur si quis non habuisse suam.
 Non ego signatis quicquam mandare tabellis,
 Ne legat id nemo, quàm meus, ante uelim:
 Sed peccasse iuuat. uultus componere famæ
 Tædet, cum digno digna fuisse ferar.

A D M E S S A L L A M.

NVISVS natalis adest, qui rure molesto,
 I Et sine Cherintho tristis agendus erit.
 Dulcius urbe quid est? an uilla sit apta puellis,
 Atque Aretino frigidus amnis agro?
 Iam nimium Messalla mei studiose quiescas,
 Non tempestiuæ sæpe propinque uiæ.
 Hic animum, sensusq. meos abducta relinquo,
 Arbitrio quamuis non finis esse meo.

*

CIS iter ex animo sublatum triste puellæ
 S Natali Romæ non finit esse suo.
 Omnibus ille dies nobis natalis agatur,
 Qui nec opinanti nunc tibi forte uenit.

Gratum

*

G R A T V M est securus multum quod iam mi
hi de me

Permittis subito ne male inepta cadam.

Sit tibi cura togæ potior, pressumq. quasillo

Scortum, quàm Serui filia Sulpicia.

Soliciti sunt pro nobis quibus illa dolori est,

Nec credam ignoto maxima cura toro.

*

S T ne tibi Cherinthe tuæ placiture puellæ,

E Qui mea nunc uexat corpora fessa calor?

Ah ego non aliter tristes euincere morbos

Optarim, quàm te sic quoque uelle putem.

Nam mihi quid prosit morbos euincere? quid tu

Nostra potes lato pectore ferre mala?

Ne tibi sim mea lux æque tam feruida cura,

Vt uideor paucos ante fuisse dies,

Si quicquam tota commisi stulta iuuenta

Cuius me fatear pœnituisse magis,

Hesternam quàm te solum quod nocte reliqui,

Ardorem cupiens dissimulare meum

A D A M I C A M.

V L L A tuum nobis subducet femina lectum.

N Hoc primum iuncta est fœdere nostra Vc-
nus.

Tu mihi sola places, nec iam te præter in urbe

Formosa est oculis ulla puella meis.

Atque utinam posses uni mihi bella uideri,

Displiceas alijs: sic ego tutus ero.

Nil

Nil opus inuidia est . procul absit gloria uulgi .

Qui sapit , in tacito gaudeat ille sinu .

Sic ego secretis possum bene uiuere siluis ,

Qua nulla humano sit uia trita pede .

Tu mihi curarum requies , tu nocte uel atra

Lumen , & in solis tu mihi turba locis .

Nunc licet e caelo mittatur amica Tibullo ,

Mittetur frustra , deficietq. Venus .

Hæc per sancta tuæ Iunonis numina iuro ,

Quæ sola ante alios est tibi magna deos .

Quid facio demens ? heu cui mea pignora credo ?

Iurauit stulte : prodeat iste timor .

Nunc tu fortis eris : nunc tu me audacius ures .

Hoc peperit misero garrula lingua malum .

Iam faciam quodcunque uoles : tuus usque manebo ,

Nec fugiam notæ seruitium dominæ :

Sed Veneris sanctæ confidam uinctus ad aras :

Hæc notat inustos , supplicibusq. fauet .

DE INFAMIA SVÆ PVELLÆ .

V M O R ait crebro nostram peccare puellā .

R Nunc ego me surdis auribus esse uelim .

Crimina non hæc sunt nostro sine ficta dolore .

Quid miserum torques rumor acerbe ? tace .

EPITHAPHION TIBULLI .

E quoque Virgilio comitem non æqua Tibulle

T Mors iuuenem campos misit ad Elysios :

Ne foret , aut elegis molles qui fleret amores ,
Aut caneret forti regia bella pede .

38

P. OVIDII NASONIS
DE MORTE

TIBULLI.

EMNONA si mater, mater ploravit
Achillem,

M Et tangunt magnas tristia fata deas;
Flebilis indignos elegeia solue capillos.
Ab nimis ex uero nunc tibi nomen erit.

Ille tui uates operis, tua fama Tibullus
Ardet in extructo corpus inane rogo.

Ecce puer Veneris fert euersamq. pharetram,
Et fractos arcus, & sine luce facem.

Aspice, demissis ut eat miserabilis alis,
Pectoraq. infesta tundat aperta manu.

Excipiunt lacrymas sparsi per colla capilli,
Oraq. singultu concutiente sonant.

Fratris in Aeneae sic illum funere dicunt
Egressum castris pulcher Iule tuis.

Nec minus est confusa Venus moriente Tibullo,
Quam, inueni rupit cum ferus inguen aper.

At sacri uates, & diuum cura uocamur,
Sunt etiam, qui nos numen habere putent.

Scilicet omne sacrum mors importuna profanat,
Omnibus obscuras iniicit illa manus.

Quid pater Ismario, quid mater profuit Orpheo?
Carminē quid uictas obstupuisse feras?

Et Linon in siluis idem pater edidit altis,
Dicitur

Dicitur inuicta concinuisse lyra .
Aspice Mæoniden ; a quo, ceu fonte perenni ,
Vatum Pierijs ora rigantur aquis .
Hunc quoque summa dies nigro summersit Auerno .
Effugiunt auidos carmina sola rogos .
Durat opus uatum Troiani fama laboris ,
Tardaq. nocturno tela retexta dolo .
Sic Nemesis longum, sic Delia nomen habebit ,
Altera cura recens, altera primus amor .
Quid nos sacra iuuant, quid nunc Aegyptia prosunt
Sistra, quid in uacuo secubuisse toro ?
Cum rapiant mala fata bonos, ignoscite fasso ,
Solicitor nullos esse putare deos .
Viue pius : moriere pius, cole sacra : colentem ,
Mors tamen a sacris in sua buſta trahet .
Carminibus confide bonis : iacet ecce Tibullus .
Vix manet è toto parua quod urna capit .
Tene ne sacer uates flammæ rapuere rogales ?
Pectoribus paſci nec timuere tuis ?
Aurea ſanctorum potuiſſent templa deorum
Vrere, quæ tantum ſuſtinere nefas .
Auertit uultus, Erycis quæ poſſidet arces .
Sunt quoque qui lacrymas continuiſſe negant .
Sed tamen hoc melius, quàm ſi Phæacia tellus
Ignotum uili ſuppoſuiſſet humo .
Hic certe manibus fugientes preſſit ocellos
Matèr, & in cineres ultima dona tulit .
Hic ſoror in partem miſera cum matre doloris
Venit inornatas dilaniata comas .

Cumq.

Cumq. tuis sua iunxerunt Nemesisq. priorq. M

Oscula, nec solos destituere rogos.

Delia discedens, felicius, inquit, amata

Sum tibi: uixisti, dum tuus ignis eram.

Cui Nemesis, quid, ais, tibi sunt mea damna dolori?

Me tenuit moriens deficiente manu.

Si tamen è nobis aliquid, nisi nomen & umbra,

Restat, in Elysia ualle Tibullus erit.

Obuius huic uenies edera iuuenilia cinctus

Tempora cum Caluo docte Catulle tuo.

Tu quoque, si falsum est temerati crimen amici,

Sanguinis atque animæ prodige Galle tuæ,

His comes umbra tua est, si qua est modo corporis um-

Hausisti numeros culte Tibulle. pios. (bra.

Ossa quæta precor tuta requiescere in urna,

Et sit humus cineri non onerosa tuo.

M. ANTONII MURETI
IN TIBULLUM

SCHOLIA.

IN ELEGIAM I.

DIUITIAS alius.] Vtrunque ge-
nus complexus est. diuitia enim par-
tim in rebus mobilibus consistunt, par-
tim in rebus soli. e mobilibus autem
aurum nominauit κατ' ἐξοχὴν.

Pindarus,

Ἄριστον μὲν ὕδωρ. ὃ δὲ

χευρὸς αἰθόμενον πῦρ

ἄτε διατρέπει νύ-

κτὶ μέγανος ἑξοχα πλάττῃ: id est:

Aqua est optima res quidem.

Aurum at, ignis ut ardens

Nocte relucet atra, in-

ter opes quoque magnanimas sic

Splendet.

Me mea paupertas.] ego pauper sane sim;
dum & fruar ocio, neque arcta inopia premar,
Ipse feram.] oblectabo me agricultura, pasto-
ne, & amore. Ipse feram.] apparet, hunc poe-
tam elegantiam quandam putasse esse in eiusdem syl-
labæ continuata repetitione. ut supra, Me mea: &
nunc, Ipse feram: & mox, Poma manu: & infra,
multa

multa tabella: & sicca canis, & tam multis locis
denique, ut constet, hoc non casu, sed dedita opera
factum. Rusticus & facili.] aliter facilem ma-
num, & aliter paulo infra facile lutum. neque ul-
lam uocem habent Græci, quæ huic plane respon-
deat. Nec spes.] deæ nomen est. Nam uene-
ror.] causa, cur sperare debeat, agriculturam
sibi fructuosam fore. colo enim, inquit, deos. Fuit
hæc pietas in ueteribus, ut cum ceteris in rebus,
tum in hoc præcipue studio, quibus diuinus cultus
neglectui non esset, ijs omnia prospere successura
crederent. itaque Virgilius,

In primis uenerare deos, atque annua magnæ
Sacra refer Cereri, lætis operatus in herbis.

& Horatius,

Cælo supinas si tuleris manus,
Nascente luna, rustica Phidile,
Si turæ placaris, & horna
Fruge lares, auidaq. porca:

Nec pestilentem sentiet Africum
Fœcunda uitis, nec sterilem seges
Rubiginem, aut dulces alumini
Pomisero graue tempus anno.

& eodem pertinere arbitror prouerbiū, quod est
apud Varronem libro primo de re rustica, Dū facien-
tes adiuant. facientes enim accipio eos, qui rite ope-
rantur sacris: ut in illo, Cum faciā uitula: & Eras-
mū, qui multo aliter interpretatus est, falsum puto.

Seu stipes.] non dubium est, quin Terminum
dicat

dicat, de quo Ovidius,

Termine, siue lapis, siue es defossus in agro

Stipes ab antiquis, ut quoque numen habes.

Sed tamen illud quoque superstitionis hominibus in consuetudine positum fuisse accepimus, temere oblatos in uia lapides, stipitesq. uenerari. Xenophon.

τὸς μὲν ἔδ' ἱερῶν, οὔτε βωμῶν, ἔτε ἄλλων τῶν δαίμων οὐδὲν τιμᾶν, τοὺς δὲ καὶ λίθους, καὶ ξύλα τὰ τυχόντα, καὶ θηρία σέβειν. & ineptus quidem scriptor,

non tamen omnino inutilis, Appuleius: Neque enim iustius religiosam moram uiatori obiecerin aut ara floribus redimita, aut spelunca frondibus inumbrata, aut quercus cornibus onerata, aut fagus pel libus coronata. uel enim colliculus sepimine consecratus, uel truncus dolamine effigiatus, uel cespes libamine humigatus, uel lapis unguine delibutus.

Propertius:

Et quicumque sacer, qualis ubique, lapis

Florida ferta.] quæ significrent deum esse.

Libatum agricolæ.] Varie legitur hic uersus: a quibusdam hoc modo,

Libatum agricolam ponitur ante deum. ab alijs,

Libatum agricolæ, ponitur ante deum. ab alijs

Libatum agricolas ponitur ante deos.

ego autem lego,

Libatum, agricolæ ponitur ante deo.

& deum agricolam expono eum, qui præest agrorū cultui, id est Liberum patrem, de quo infra:

Primus aratra manu solerti fecit Osiris,

Et

Et teneram ferro sollicitauit humum.
 siquidem Osirim & Bacchum eundem esse constat.
 & alibi:

Illa deo sciet agricolæ pro uitibus uuam,

Pro segete spicas, pro grege ferre dapem.
 ponendi autem uerbum hac in re & Græcis & Lati-
 nis mire usitatum est. Catullus:

Mihi corolla picta uere ponitur: Horatius:

Hic uinum mihi cespitem, hic

Verbenas pueri ponite, turaque.

& in epigrammatis Græcis:

Τὶς θέτο μαρμαίροντα βοάγρια;

neque tantum θεῖσαι dicunt, uerū etiam ἀναθέσαι: un-
 de ἀναθήματα. neque est, quòd quisquam, propter uo-
 cem, ante, de huius scripturæ ueritate dubitet. sic
 enim & Plautus:

Bonum ante ponam prandium pransoribus.

si quis tamen agricolas deos legat, & exponat, Libe-
 rum, Liberam, Cererem, Pana, ceteraq. ruris numi-
 na; non repugnauerim. nam & infra ita locutus est,

Redditur agricolis gratia cælitibus.

Hostia parua.] in quibusdam libris, magna:
 quod non displicet: ut, pro agri exiguitate, hæc quo-
 que magna hostia esse dicatur. Iam modo non.]
 modo non, est, μονονεχί: etsi sunt, qui aliter sentiant.

Sed canis æstiuos ortus uitare sub um-
 bra Arboris.] totidem prope uerbis in quodam
 epigrammate Alcæus:

- λασίαις δάμνω ὑπὸ πλατάνῃς

f

καύματ'

καίματ' ὁ παρινοῖο φυγὼν κινός.

Securum somnos, igne iuuante, sequi.]
in alijs libris, imbre iuuante sequi. utrunque ferri po-
test. nam & imber, & ignis hieme somnum conci-
liant. illud etiam de imbre, conuenit cum illo Sopho-
cleo, - ὑπὸ σέγῃ

Πυκνὰς ἀκῆσαι τεκὰδος δ' ἰδοῦσθ' ὅρενι.

& cum eo, quod est infra,

Nam neque tum plumæ, nec stragula picta soporē,
Nec sonitus placidæ ducere posset aquæ.

I N E L E G I A M I I.

ADDEMERUM. in quibusdam libris, ui-
noq. graues compesce dolores: in alijs, uinoq. nouos
compesce furores. Neu quisquam.] in hoc
uersu quidam, perfusum, quidam, percussum, le-
gunt. Seneca quidem in Troade, percussam deo Mæ-
nadem, dixit. ego tamen, quod hic in libris ueteribus
perfusum reppereram, nihil immutare uolui. Dum
requiescit amans.] libri ueteres, amor: & ter-
tio abhinc uersu, ijdem libri, ianua fulta. Cum
posti florida ferta darem.] Morem hunc a-
mantum fuisse, notum est, spargendi mero, & ornan-
di floribus amicarum fores. Propertius:
Et mihi non desunt turpes pendere corollæ. Ouidius:
At tu non lætis detracta corona capillis,

Dura super tota limina nocte iace. Plautus:

- agite, bibite festiuæ fores,

Potate, fite mihi uolentes propitiæ.

Blandaq.

Blandaq. compositis abdere uerba notis.] scio fuisse, qui aduersus hanc emendationem, seu iudicio, seu διὰ ἀνθρώπινον τι πάθος, multa dixerint. sed profecto præclara illa est: δὲ γὰρ τ' ἀληθὴ λέγειν, ut ait Platon. hoc enim non obscure significat poeta, alienæ uxoris amatorem inuenire, monstrante Venere, quo modo cum ea, etiam uiro præsete, impune colloquatur. componere enim ipsos inter se notas quasdam, quibus utantur uerborum loco, atque hoc modo abdere blanditias, quas sibi tū inuicem dicunt. sed hoc nullo ex loco melius intelligi potest, quàm ex his Ouidij uersibus, qui sunt ex elegia quadam, qua amicam monet, quomodo se in cœna gerere debeat, cui cœnæ etiam uir ipseus erat interfuturus.

Me specta, cutisq. meos, uultumq. loquacem.

Excipe furtiuas, & refer ipsa, notas.

Verba supercilijs sine uoce loquentia dicam.

Verba leges digitis, uerba notata mero.

Cum tibi succurret Veneris lasciuiæ nostræ,

Purpureas tenero pollice tange genas.

Si quid erit, de me tacita quod mente loquaris,

Pendeat extrema mollis ab aure manus.

Cum tibi, quæ faciam, mea lux, dicam ue, placebunt.

Versetur digitis annulus usque tuis.

Tange manu mensam, tangunt quo more preccantes,

Optabis merito cum mala uiro.

huiusmodi notas, absque ulla dubitatione, hoc uersu significat Tibullus.

Nec uetat obscura surgere nocte timor.] eos, qui nocturna formidines expauescunt, facile liberari hoc morbo, si amare occeperint, exemplo suo indicat Ouidius: cuius hæc sunt: (de amore autem loquitur.)

Ille per excubias custodum leniter ire

Monstrat: inoffensos dirigit ille pedes.

At quondam noctem, simulacraque uana timebam:

Mirabar, tenebris si quis iturus erat.

Risit, ut audirem, tenera cum matre Cupido;

Et leuiter, fies tu quoque fortis, ait.

Nec mora: uenit amor: non umbras nocte uolantes,

Non timeo strictas in mea fata manus.

En ego cum tenebris.] qui cum hoc loco elegiam Propertij e libro tertio, cuius principium est,

Nox media, conferre uoluerit, non minimam, ni fallor, e collatione capiet uoluptatem. Securus in

tenebris.] hic uersus legitur ille quidem in non nullis uetustis libris: sed in alijs lacuna est in quibusdam etiam legitur,

Præsidio noctis sentio adesse deam. at in alijs,

Ille deus certæ dat mihi signa uia:

ut si quis, commotus illa tanta uarietate, de mendo suspicetur, me quidem socium sit habiturus.

Prouocat orbe niues.] ita est in ueteribus,

non, ut in alijs, conuocat. Ter cane.] terna

rio numero in rebus diuinis uti solitos ueteres, etiam ex Aristotele didicimus: cuius illa sūt libro primo de

cælo: μέγας δὲ τὸ μὲν ἐφ' ἐν, γράμμι τὰ δ' ἐπὶ δύο

ἐπίπεδον,

ἐπίπεδον, τὸ δ' ἐπὶ τρία, σῶμα, καὶ παρὰ ταῦτα ἔκ' ἐστὶν
 ἄλλο μέγεθος, διὰ τὸ τὰ τρία πάντα εἶναι, καὶ τὸ τρεῖς
 πάντα. καὶ ὥστε γὰρ φασιν οἱ Πυθαγόρειοι, τὸ πᾶν καὶ
 τὰ πάντα τοῖς τρεσὶν ὥρισαι. τελευτὴ γὰρ καὶ μέσον, καὶ
 ἀρχὴ τὸν ἀριθμὸν ἔχει τῶ πάντος. ταῦτα δὲ τὸν τῆς
 τριάδος. διὸ παρὰ τῆς φύσεως εἰληφότες ὥσπερ νό-
 μους ἐκείνους, καὶ πρὸς τὰς ἀγιστείας χρώμεθα τῶν θεῶν
 τῷ ἀριθμῷ τούτῳ. Ille licet.] per me licet, ille
 triumphans in urbem inuehatur, dum modo ego
 ruri otiosus te frui possim. Et in solito.] alij,
 & in solo. placet. Et in culta.] alij, & in nu-
 da. ut sit sensus: etiam in nuda humo mollis mihi
 fuerit somnus, si, te amplexus, dormiam. Non
 ego tellurem.] in ueteribus libris, distichon,
 quod hic sequitur, antecedit. Despuir in mol-
 les & sibi quisque finis.] ad auertendam Ne-
 mesim. idem etiam ad fascinationes auertendas ua-
 lere arbitrabantur. Theocritus:

Ὡς μὴ βασκανθῶ δὲ, τρεῖς εἰς ἐμὸν ἐπύσσα κόλπον.
 Callimachus:

Δαίμων, τὶ κόλποισιν ἐπιπύσσει γυναικες;
 & quidam in epigrammatis:

Εὐβαδὺν τρεῖς κόλπον ἀπέπυσσε.

IN ELEGIAM III.

IBITIS Aegeas.] ad M. Valerium Mes-
 fallam Coruinum scribit, qui cum Augusto consul fue-
 rat, qui postea de Gallis triumphauit. Videntur autē

hæc scripta, cum Messalla ex consulatu in Macedoniam profiscisceretur. Abstineas auidas.] uaria huius uersus scriptura est. in alijs, mors precor atra: in alijs, mors modo nigra: in alijs, mors uiolenta. neque multum interest, quæ recipiatur. Rettulit e triuijs.] lego, Rettulit & trinis. & ad sortes refero. ueteres tamen libri cum uulgaris consentiunt. Tamen est deterrita nunquam.] utrum dicit, eam deterreri, id est renocari non potuisse, quin fleret: an, ut desperatam, quæ spem abiecit, dicimus, ita deterritam, quæ terrorem deposuerit, hoc loco intelligemus? quod si est, singulare, opinor, hoc sensu fuerit uerbum. Illa tua toties sinistra.] ita est in libris ueteribus, non, ut in peruulgatis, æra. Ouidius quoque hanc scripturam confirmat, qui, ad hunc locum respiciens, ita cecinit, in carmine, quo huius poetæ mortem defleuit:

Quid nos sacra iuuant? quid nunc Aegyptia prosunt
Sistra? quid in uacuo secubuisse thoro?

Menstrua tura.] alij, mascula. sed nihil necesse est, contempta ueterum librorum auctoritate, quicquam mouere. Fac lapis.] Versum hunc in antiquis quibusdam libris ita scriptum reperio, Fac lapis inscriptus stet super ossa mea. Tum niger in turba.] ijdem libri, in porta. Tentare.] ita plane dictum, ut a Græcis περιαν. Lucianus in dialogo, quo de hoc ipso Ixione agitur: μὴ ἐν ἐπιείρᾳ τινά; & alibi: συγγνωστὸς γὰρ εἰ καλὸν σε ἔ- τως ὄντα ἐπιείρα. Ixionis autem fabula petenda est

e secundo

e secundo Ἄδης Pythiorum Pindari . neque enim tantum appetiſſe Iunonem , ſed & primus , de quo quidem extet in Græcorū historijs , eadem perpetrāſſe memoratur , occiſo per ſummam perfidiā ſocero ſuo . Virgilius eum capiti imminentis , & iam iā laſſuro ſimilis ſaxi metu cruciari ait ; ſuo quodam iure , quod ab alijs de Tātalo dicitur , ad hunc , & ad Lapithas , & ad Pirithoum transferens . Porreſtusq̃ . nouem .] Virgilius VI Aeneidos : Homerus Οδυσ . A eius autem iecur Virgilius ab uno , Homerus a duobus uulturibus carpi ait : at Demetrius in Pindari , a ſerpentibus . Tantalus eſt illic , & circum , ſtagna .] & circum Tantalum , ſtagna ſunt . Tantalum Plato , quaſi τανάτατον , dictum ait . Pro- ro & de peccato eius , & de ſupplicio admodum diſcrepantia prodita ſunt litteris . ego de utroque , quæ in memoriam uenient , huc conferam . Sunt , qui dicant , eum a Ioue patre admiſſum ad epulas deorū , quæ ibi arcana audierat , cum hominibus communi caſſe : ideoq̃ . detruſum ad inferos , & damnatum hac pœna , ut in aere pendens , æterno mctu imminentis capiti lapidis torqueretur . Euripides :

Ο γὰρ μακάριος , ἐκ ὀνειδίζω τύχας ,
 Διὸς πεφυκώς , ὡς λέγουσι , Τάνταλος ,
 Κορυφῆς ὑπερέλλοντα δειμαίνων πέτρων ,
 Αἰερί ποτᾶται , καὶ τίνει ταύτην δίκην ,
 Ὡς μὲν λέγουσιν , ὅτι θεοῖς , ἄνθρωπος ὢν ,
 Κοινῆς τραπέζης ἀξίωμ' ἔχων ἴσον ,
 Αἰόλασον ἔχε γλῶσσαν , αἰχρίσιν νόσον .

De hoc saxo Cicero de finibus : Mors, quæ, quasi saxum Tantalò, semper impendet. & Lucretius : Nec miser impendens magnum timet aere saxum Tantalus, ut fama est, cassa formidine torpens. & Plato : ἢ ὑπὲρ τῇ κεφαλῇ τοῦ λίθου τανταλεία. Pindarus quoque in Olympijs hoc ipsum Tantali supplicium agnoscit: sed hanc causam fuisse ait, quòd ipse ambrosiam & nectar furatus, còpotoribus suis communicauerit. aiunt, et Alcæum, et Alcmanen, et Archilochum huius lapidis mentionem fecisse. qui allegorice ista interpretantur, alij metum mortis, ut Cicero; alij metum deorum, ut Lucretius significari putant: alij Tantalum physiologum diligenter fuisse dicunt, qui soli præcipue naturam accuratissime contemplaretur: ideoq. dictum solem capiti ipsius impendere. nam solem quidem ipsum multi ex ueteribus, Anaxagoram secuti, lapidem glebamue ignitam esse credebant. hanc postremam sententiam Euripides ipse aperte confirmat in choro quodam ex eadè fabula, ubi solem πῆγαν et βῶλον nominat. Tradita et hæc de Tantalò fabula: fuisse canem quendam aureum, eundemq. animatum, (ut minus mirum sit, quod de Talo in Catullum diximus) templo Iouis in Creta custodem additum fuisse: quem cum surripuisset Pandareus Milesius, asseruandum dedisse Tantalò: missum deinde a Ioue Mercurium, qui canem reposceret: sed negasse Tantalum, eum penes se esse: ob id igitur detrusum ad inferos, ipsiusq. capiti impositum Sipylum montem: eumq. esse

se lapidem illum , de quo supra diximus . neque desunt , qui , quòd Pelopem filium mactauerit , dijsq. epulandum apposuerit , ad inferos detrusum esse dicant . sed de supplicij genere , plurimos astipulatores inuenit Homeri narratio quam hic quoque Tibullus insequitur . quæ , quia etiam uulgo notissima est , nihil esse , cur a me pluribus uerbis explicetur puto . Et Danaï proles .] De Danaïdibus cetera per uulgata sunt : illud uisum est non indignum , quod annotaretur ; cum , unam modo ex eis Hypermnestrâ fratri ac uiro suo Lynceo pepercisse , traditum sit , esse tamen , qui hanc ipsius laudem cum Bebryce sore communem faciant , et eam quoque Hippolyto pepercisse dicant . hoc reperi apud Eustathium , Dionysii interpretem . Tunc ueniam subito .] contra consuetudinem Romanorum , qui , peregre cum redirent , aduentus sui nuntios præmittere ad uxores solebant . auctor Plutarchus . sed hic ideo subito uenire uult , quòd repentino aduentu suo maius gaudia puellæ obiectum iri uidet .

IN ELEGIAM

Sic umbrosa .] miratur , qui fiat , ut obscenum deum formosi pueri diligant ; ad eumq. ultro accedant , qui neque forma , neque corporis cultu ipsos ad se allicere posse uideatur , est & in Virgilianis lusibus carmen , quo deus ipse idem admirans inducitur : & , longa oratione multis alijs causis remotis ,

tis, ad postremum concludit, eos, quo supplicio proposito absterreri debuerant, eius ipsius desiderio captos uenire. extremi uersus hi sunt:

Nimirum apertam conuolatis ad pœnam,
Et uos id ipsum, quod minamur, inuitat.

Sic ego. tum Bacchi.] in quibusdam ueteribus: Sic ego: sic Bacchi. ab ijs autem abest pentameter, qui sequitur. neque ego sane, eum Tibulli esse, præstare ausim. Bacchi proles.] Bacchi igitur filius est præclarus iste et uirginalis deus. atque ita esse, confirmant etiam uersus Antipatri Sidonij:

ταῦθ' ὁ Πρίνπιος
Ἵμνιν ἐνομήτης παῖς ἐνέπρω Βροχίου.

Orpheus Bacchum, Solem, et Priapum eundem facere uidetur. Theocriti scholiastes ait, Priapum esse Naidis, aut Chilonis nymphæ, & Bacchi filium: at alios eum cum Baccho eundem facere. Diodorus Siculus, et Pausanias Baccho & Venere genitum esse tradunt. Apud Lucianum reperio, enim esse Veneris filium: sed, si etiam Bacchi, nã ille patrem suum haudquaquam paterne accepit, quem, Lampsaci hospitio exceptum, noctu hasta illa sua confodere uoluerit. at constat, eum Luciano non esse Dionysi filium. Armatus curua,] hic uersus, ut dixi, abest a quibusdam libris: atque in eisdem scriptum est ad marginem, FRAGM. Ego autem facile mihi persuaferim, non unum modo, sed & plures uersus hoc loco desiderari. etenim quæ respondet Priapus, non pertinent ad id, quod ex ip-

so quæsierat Tibullus. uehementer itaque suspicor, uersus aliquot, quibus paullo liberius quippiam, et paullo magis ex huius dei consuetudine dictū esset, hoc loco esse omissos.

O fuge.] homines, qui militarem Venerem colūt, quiq. natura sunt a sædo puerorū amore δάλωτοι, in omnibus, quorum ætas πρὸς ἀπόλαυσιν idonea est, facile caussam aliquam reperiunt, cur ipsos ament. eodemq. modo φιλόγωνι cuiusque propemodum generis mulieres persequuntur: neque ulla est paullo adolescentior, quæ non ipsis ἀλμυρόν τι καὶ κινητικὸν habere uideatur. itaque Socrates (quem tamen abfuisse a nefando amore uolunt: neque ego dissentio) ingenue confitetur, omnes pueros, qui certæ cuiusdam ætatis sint, sibi formosos uideri: uerba eius sunt in Charmide: Εμοὶ μὲν ἔν ᾧ ἑταῖρε ἐδὲν σαδμητόν. ἀτεχνῶς γὰρ λῶκη ἡ ἄδμη εἰμὶ πρὸς τὸς καλὺς. χεδὸν γὰρ τί μοι πάντες οἱ ἐν τῇ ἡλικίᾳ καλοὶ φαίνονται. libro autem de rep. v, idem etiam fusius explicat his uerbis: Ἀνδρὶ δ' ἐρωτικῷ ἐπρέπει ἀμνημονεῖν, ὅτι πάντες οἱ ἐν ᾧ τὸν φιλόπαιδα καὶ ἐρωτικὸν ἀμνηγέπη δάκνυσσι τε καὶ κινῆσι; δοκῶντες ἄξιοι εἶναι ἐπιμελείας τε καὶ τοῦ ἀσπάζεσθαι. ἢ οὐχ ἔτι ποιεῖτε πρὸς τοὺς καλὺς; ὁ μὲν, ὅτι σιμὸς, ἐπίχαρις κληθεῖς, ἐπαινεθήσεται ὑφ' ἡμῶν. τοῦ δὲ τὸ γρυπὸν, βασιλικὸν φατε εἶναι. τὸν δὲ δὴ διὰ μέσων τέτων, ἐμμετροτάτα ἔχειν. μέλανας δὲ ἀνδρικούς ἰδεῖν. λῶκὺς δὲ, θεῶν παῖδας εἶναι. μελαγχλῶρους δὲ; καὶ τ' ἔνομα οἷε τινὸς ἄλλου ποίημα εἶναι, ἢ ἐρασῶ ἀποκοριζομένους τε καὶ δ' ἔχουσιν

ρῶς φέροντος τὴν ὀχρώτητα, εἰς ἐπὶ ὥρα ἢ; καὶ ἐνὶ λόγῳ
πάσας προφάσεις προφατίζεσθαι τε, καὶ πάσας φωνὰς
ἀφίετε, ὥστε μηδὲν ἀποβάλλειν τῶν ἀνδέντων ἐν ὥρᾳ.

Ovidius quoque in elegia quadam, eodem se modo
erga mulieres affectum fatetur: eius elegiæ princi-
pium est, Non ego mendosos. Hic, quia fortis
adest.] Ovidius:

Sine aliqua est oculos in me deiecta modestos;

Vror; & insidiæ sunt pudor ille meæ:

Siue procax aliqua est; quia rustica non est;

Spemq. dat, in molli mobilis esse thoro.

Longa dies molli.] multi hanc sententiam
expresserunt poetæ: quorum primus fuisse videtur
Chærilus:

Πέτρᾱν κοιλαίνει ράνις ὕδατος ἐνδελεχεῖν.

Lucretius:

Non ne uides, etiam guttas in saxa cadentes

Humoris, longo in spatio pertundere saxa?

Ovidius:

Gutta cauat lapidem. quem quidem cur tanto
pere abiiciat P. Victorius, ut etiam Chæriilo inferio-
rem faciat, miror. nam ille ipse, quem ex conten-
tione tanto superiorem uideri uult, Lucretius ean-
dem sententiam, libro primo, non multo ornati-
us extulit: Stillicidi casus lapidem cauat.

Neque nunc disputo, uter melior poeta sit: sed ta-
men indignū uidetur, quenquam de Ouidio ita con-
tēptim loqui. Propertius quoque hoc ipsū ita cecinit
Sed tamen obscura teritur rubigine mucro

Ferrens

Ferrens, & paruo sæpe liquore silex. [ab
Transiet ætas.] transiet, pro transibit; et contra
analogiam, & contra consuetudinem.

Quàm cito non segnis.] si particula, non, re
feratur ad nomen segnis; falsum erit, quod dicitur.
dies enim neque stat, neque remeat. sin ad uerba; fal
sum erit epitheton, segnis. sin ad utrunque; tamen,
nisi locus aliter distinguatur, suberit uitiū uel maxi
imum. uox enim, cito, cum stādī uerbo coherere nullo
modo potest. Cito aut tarde moueri aliquid dicitur.
cito quidē stare, aut quiescere aliquid, qui dicat, is nō
philosophiæ modo, sed omnino communis sensus ex
pers esse uideatur. distinguendū igitur est hoc modo:
At si tardus eris, errabis: transiet ætas

Quàm cito? non segnis stat, remeatq. dies.
ut significet ætatem citissime transire, diem autem
segnem non esse, sed uolatilem; neque stare unquam
sed perpetuo fluere; neque unquam redire, sed irre
uocabilem, atque irreparabilem esse. Venturam
admittat.] portendat. est autem uerbum augura
re. Plautus: Impetratum, inauguralum est. quouis
admittunt aues. dicitur &, addicere. Liuius: A
ues semel atque iterum non addixerunt.

IN ELEGIAM V.

IPSE procuraui.] apto uerbo usus est, et sū
pto ex augurum disciplina. sic apud Ciceronē, procu
rare monstra. sed illud notandum, primam huius uer
bi syllabam etiam breuem esse posse. Deuenerā
da.]

da.] uenerari est precari, ut in Catilinarias docui.
 deueneranda igitur erit, deprecanda, & ut ueteres
 in his rebus loquebantur, auerruncanda. sed in ple-
 risque libris ueteribus, pro, falsa, legitur, sancta.
 Veneri.] quidam libri ueteres, Triuiae. Et iu-
 uet in tota.] *Martialis:*
Vssit amatorem Nemesis lasciuia Tibullum,
In tota iuuuit quem nihil esse domo.
 Et pudet, & narrat.] ex hoc uersu, non ui-
 deo, quæ commoda sententia elici possit. quidam
 legunt, Et domina narrat scire nefanda meæ.
 ut, nefanda, accipiamus nefandas artes, quibus
 puellam ad eum deuouendum ac defigendum uti,
 illa altera diceret. Non facit hoc uerbis.] sic
 alibi:
Forma nihil magicis utitur auxilijs.
Sed corpus tetigisse nocet, sed longa dedisse
Oscula, sed femori conseruisse femur.
Escasq. sepulchris.] ita melius uidetur, quàm,
ut in alijs, herbasque: ut sit simile illi Catulliano,
Vxor Meneni, saepe quam in sepulcretis
Vidistis ipso carpere e rogo cœnam.

IN ELEGIA VI.

QV I D tibi sæuitiæ.] alij, Quid tibi sæue
 puer. An gloria magna est.] simile illud
 Virgilij, Egregiam uero laudem.
 & quidam in epigrammatis Græcis:
 Τί πλέον εἰ θεὸς ἀνδρὰ καταφλέγει, ἢ τί τὸ σεμνόν

[.ad

Δηώσας

Δηώσας ἀπ' ἐμῆς ἄθλον ἔχει κεφαλῆς ;

Immerito proprias.] in alijs, In proprias merito : in alijs, immerito pronas. ego locum corruptum esse existimo. At quæ fida fuit nulli.] ita est, summo consensu, in ueteribus libris, non, ut in peruulgatis, Nam quæ fida fuit, constat autem, amissos aliquot uersus, quibus exponeretur, castæ mulieres, & uno uiro contentæ, quas commoditates in senectute ex constantia illa sua & fidelitate perciperent.

IN ELEGIA VII.

HUNC cecinere.] Natalem Messallæ, & eiusdem uictorias celebrat. Non sine me.] hoc distichon quidam non ineruditi homines ita legendum putant :

Nō sine me est tibi partus honos per bella. Pyrene Testis, & Oceani littora Santonici.

Carmoti & Flauī.] ita est in meo uetere libro : at in alio quodam, Carnoti. neque tamen mihi dubium est, quin legi debeat, Carnuti. sunt enim Carnuti populi Aquitaniæ, quos alluit Liger. Strabo, τέτων δὲ ἐπιφανέστατόν ἐστι τὸ τῶν ἀρκέρων, καὶ τὸ τῶν καρνέτων, δι' ὧν ἀμφοῖν ἐνεχθεὶς ὁ λείγνηρ ἐὶς τὸν ὠκεανὸν ἔξεισι. sed cur Tibullus mox ex Aquitania, tanta pernecitate, in Ciliciam, aliquasq. regiones tantopere ab Aquitania dissitas euolet, haud equidē facile dixerim. Taurus alat Cilicas.] inepte in alijs libris, Taurus arat Cilicas. & inuenti sunt ta-

men,

men, qui hanc scripturam reciperet, dicerentq. hypallagen esse. Quid referam, ut uolitet.] Syri columbas, quod in tutela Veneris essent, uiolare nefas putabant. idemq. piscibus (an omnino, an certo quodam piscium genere?) abstinebant: eosq. in deorum loco habebant: quod ab ijs Venus, Typhonem fugiens, seruata esset. Xenophon libro primo de expeditione Cyri. μετὰ δὲ ταῦτα Κῦρος ἐξελαύνει σαυμὸς τέσσαρας, παρὰ σάγγας εἰκοσιν, ἐπὶ τὸν Χάλον ποταμὸν, ὄντα τὸ εὖρος πλέθρε, πλήρη δὲ ἰχθύων μεγάλων καὶ παλίων, ὧς οἱ Σύροι θεὸς ἐνόμιζον, καὶ ἀδικεῖν ἐκείων, ὃ δὲ τὰς περιεραῖς. Cicero. Piscem Syri uerantur. Ouidius:

Terribilem quondam fugiens Typhona Dione,

Tunc cum pro cælo Iuppiter arma tulit:

Venit ab Euphratem, comitata Cupidine paruo:

Inq. Palæstinæ margine sedit aquæ.

Populus, & cannæ riparum summa tenebant:

Spemq. dabant salices, hos quoque posse tegi.

Dum latet, insonuit uento nemus. illa timore

Pallet, & hostiles credit adesse manus.

Utq. sinu tenuit natum, succurrite nymphæ,

Et dijs auxilium fertè duobus, ait.

Nec mora: profiliuit. pisces subiere gemelli:

Pro quo nunc dignum sidera numen habent.

Inde nefas ducunt genus hoc imponere mensis,

Ne uiolent timidi piscibus ora Syri.

Diodorus Siculus alias causas affert. quod enim dea

Decreto sese in stagnum quoddam Ascaloni urbi ui-

cinum

cinum coniecerit, ibiq. in piscem conuersa sit, id propterea Syros eis piscibus abstinere, eosq. pro dijs colere: columbis autem eundem honorem tribuere; propter Semiramin, quam in columbam esse conuersam fabulentur. atque harum fabularum utranque leniter tangit Ouidius libro IIII Metam.

At Diodorus, non columbis modo, sed omnino auium generi omni parci, diuinosq. honores tribui ait a Syris: quod ab auibus eam, quam proxime nominaui, reginam altam esse opinentur. Aegyptios quoque piscium esum in rebus illicitis ducere, auctor est Herodotus. & Iuuenalis inter animalia, quæ ab eis colantur, piscem nominat. Lucianus in Ioue Tragædo Assyrios columbæ sacrificare ait; & in uenustissimo libello περὶ τῆς Σηρίνης θεῆς, Ἰχθύας, inquit, χεῖμα ἱρὸν νομίζουσι, καὶ ἕκоте ἰχθύων ψάλλουσι. καὶ ὄρνιδας τὰς μὲν ἄλλας σιτέονται, περισε-ρὴν δὲ μάνην, ἣ σιτέται, ἀλλὰ σφίσι ἡδε ἱρή. τὰ δὲ γινόμενα, δοκεῖ αὐτοῖς ποιέειν, Δερκετοῦς τὶ Σεμιράμιος εἵνεκα. τὸ μὲν, ὅτι Δερκετὸν μορφὴν ἰχθύος ἔχει. τὸ δὲ, ὅτι Σεμιράμιος τέλος, ἣς περισερὴν ἀπίκετο. Arida nec pluuiio.] ὀμβρίῳ, ὑετίῳ. Pausanias in Atticis. Pectora tristitiæ.] mallem, letitiæ, si alicuius antiqui codices accederet auctoritas. Sed uarii flores.] ostendit Osirim eundem esse & Bacchum.

IN ELEGIAM VIII.

Non ego celari.] ita exercitatum ac tri-

g tum

tum dicit esse se in rebus amatorijs , ut uel ex nutibus facile intelligat , quasiq. augeretur , quis adole scens cuius puellæ amore ardeat : quare non esse , cur amorem suum abscondere nitatur Marathus : se enim facile perspicere ; eum mirifico quodam Pholoen amore torqueri. Hunc Marathum amabat Tibullus : ut uersus ille indicat ,

Eheu quàm Marathus lento me torquet amore .
sed eo usus erat aspero , ac difficili . hac igitur elegia , credo , ut uelificetur sibi , ac puerum ipsum hoc genere obsequij molliat , hortatur Pholoen , ut ei parcat , neque tam pulchro puero amatorem ullum , quamuis diuitem , anteponendum putet . Non ego celari .] idem de se profitetur Propertius :

Non me Chaoniæ uincant in amore columbæ .

Dicere , quos iuuenes quæque puella domet .
Me dolor & lacrymæ merito facere peritum .

Atque utinam posito dicar amore rudis .
Nec mihi sunt sortes .] Ouidius :
Non ego Phæbe datas a te mihi mentiar artes :

Nec nos aeris uoce monemur auis .
& paullo post , Vsus opus mouet hoc .

Quid tibi nunc molles .] hæc uidetur hisce uersibus subesse sententia . Quid tibi prodest , o Marathe , tantum studium posuisse in forma excolenda , ut Pholoen tui amore incenderes ? contra enim cecidit . neque illa tui , sed tu ipsius amore correptus es . itaque ipsa iam tibi , etiam si incompta , atque inornata uenerit , placet . Si non æra repulsa sonent

nent.] æris enim tinnitu credebant fieri, ut ne magi-
corum carminum sonus ad lunam perveniret :
eamque, hoc modo, laborantem adiuvari Sed cor-
pus tetigisse.] potitus igitur ea iam erat Mara-
thus. sed ipsa post superba facta erat. Aspera
barba.] liber vetus, hispida. At Venus inue-
nit.] non perfacile est uidere, horum quatuor uer-
sum sententia quo modo cum ceteris cohæreat. ui-
detur autem hoc dicere: Si forte metuat sibi Pholoe
ne a diuite amatore illo sene deferatur, si se Mara-
tho quoque facilem præbuerit; Venerem ipsam in-
uenisse modos, quibus ipsa clam cum puero deli-
cias facere, & ut Plautus loquitur, caput colli-
mare possit. Non lapis hanc.] mulier illa,
quæ neminem habet, quicum se noctu oblectet,
quæq. hieme longas illas noctes uiduas exigit; etiam
si lapillorum ac gemmarum uim maximam habeat,
uoluptatem tamen ex eis nullam capit.

IN ELEGIAM IX.

QVID mihi.] ruptam sibi a puero fidem
conqueritur: & ei, qui illum, muneribus captum,
abduxerat, male precatur. Nec tibi celanti fas
fit peccare.] nec possis ita peccare, ut lateas.
fas enim est δυνάτῳ. Paranti sit deus.] si clam
peccare pares, præsto sit deus ille, qui dolos occul-
tos esse non patitur. Permisit lene.] liber cala-
mo exaratus, permisit sæua. ego legendum suspi-
cor, permisit sæpe. Ista hæc persuadet.] ista,

tua facies tam deformis ei persuadet, ut se comat, tantumq. in cultu corporis studium ponat, ut tibi bella uideatur? scilicet, ut fædo, ac podagrico seni placeat, ita se comit. aut igitur cum interrogatione legendum est, aut e contrario intelligendum.

IN ELEGIAM X.

QVIS fuit.] bellum detestatur: pacem autem commendat, & eius commoda enumerat. At nobis ærata.] post hunc uersum, uidetur aliquid deesse.

IN LIBERVM II.

QVIS QVIS adest.] Ambarualis sacrificij descriptio est. Vos quoque.] hi uersus uarie leguntur. alij legunt, discedite ab aris, queis tulit: alij, discedat ab aris, cui tulit: alij, discedite ab aris cui tulit. meus uetus liber hac in parte mutilus est. scripturarum autem, quas protuli, ea, quæ primo loco posita est, mihi maxime probatur. Extruet arte casas.] puerilis ludicri genus. Horatius:

Aedificare casas, plostello adiungere mures.

Idem alibi: aedificante casas qui sanior?

Fumosos Falernos.] mire dictum, quasi uinum, non neutro, sed masculino genere diceremus. Madere.] madidos, aut uiidos uocabant ebrios, contraq. siccos, sobrios. sic et Græci βεβρηκυῖνες ebrios dicunt: Dux pecoris hircus: auxerat hircus

oues

oues.] quo modo, quaeso, hircus oues auxerat?
 capras potius credidissem. scio a Graecis interdum
 μήλα capras uocari. sed nihil ad rem. quid igitur? ni-
 mirum unius literulae mutatio hanc effecit absurdi-
 tatem. neque enim, auxerat, legendum est, sed du-
 xerat. Vos celebrem cantate deum.] locum
 hunc, multis in libris deprauatum, primus ita le-
 gendum esse, ut nos edidimus, admonuit pater tuus
 Torquate, uir omni uirtute ornatissimus, Petrus
 Bembus, in eo libello, quem de Virgilij culice scrip-
 sit. Matris lasciuo.] in alijs, Martis, inepte.
 ipsam autem noctem matrem siderum uocat. Vn
 de Euripides.

Ὡνδ' ἐμέλαινα, χυσέων ἄσπρων τροφέ.

IN ELEGIAM II.

DICAMVS bona uerba.] natalem aut
 suum, aut Cherinthei celebrat. Dicamus b. u.]
 Summa enim diligentia cauebant, ne sibi eo die
 uel imprudentibus uocula excideret ulla, in qua ma-
 li ominis aliquid inesset. uersum autem hunc ita di-
 stinguendum putarim.

Dicamus bona uerba (uenit natalis) ad aras.

Lingua faue.] ἢ σίγα, ἢ ὁφθαλμοὺς φέρε. Iam reor
 hoc ipsos.] puto hoc uotum tuum deos edidicisse,
 qui tam saepe illud ex te audierint. quoties enim sa-
 cra facis, nihil prope ab eis aliud petis. hunc uer-
 sum, uisum est mihi, ut exponerem: propterea quod

Cyllenium quendam Veronensem sæde in eo declarando lapsum uidebam.

IN ELEGIAM III.

RURA tenent.] dolet abesse se a puella sua, quæ rusticatum ierat. Cornute:] in alijs libris, Cherinthe. Ipsa Venus latos.] libri ueteres, lætos. quod placet. significat enim, agros dominae suæ præsentia hilarari. Pauit & Admeti.] hac de re ita Apollinem ipsum alio loco commemorantē facit: Me quondam Admeti niueas pauisse iuuenças,

Non est in uanum fabula ficta iocum.

Tunc ego nec cithara poteram gaudere sonora,

Nec similes chordis reddere uoce sonos:

Sed pellucenti cantus meditabar auena,

Ille ego, Latonæ filius atque Iouis.

Sequitur autem Tibullus Rhiani, ueteris poetæ Græci, & Callimachi μυθολογίαν, qui Apollinem sponte Admeto seruijsse tradunt, ipsius amore captum. nam alij aiunt, eum damnatum a Ioue hac pæna ob interfectos Cyclopas: ut Euripides, apud quem Apollo ipse ita loquitur:

Ω δώματ' Αδμήτει, ἐν οἷς ἔτλην ἐγὼ

Θήσαν τράπεζαν αἰνέσαι θεός περ ὦν.

Ζῶς γὰρ κατακτὰς παῖδα τὸν ἐμὸν, αἴτιος,

Ἀσκήπιον, σέρνοισιν ἐμβαλὼν φλόγα.

Οὐδ' ἡ χολῶθεις, τέκτονας δὲ πυρὸς

Κτείνω Κύκλωπας. καί με Διτ' εἶν πατὴρ

Θηητῶ παρ' ἀνδρὶ τῶν δ' ἄποιν' ἠνάγκασεν.

Ελθὼν δὲ γαῖαν τήνδ' ἐβροφόρβεν ξένῳ .

Est autem hic ille admetus Pheretis filius , cui cum fatales anni expleti essent , Apollo a Parcis obtinuit se dicitur , ut ipsius morti mora aliqua produceretur , si quis reperiretur , qui pro eo mori uellet . tunc igitur neque Pheres , grandis natu pater , neque iam exacta ætate mater Clymene , neque denique quisquam amicorum repertus est , qui non suam , quàm alienam , uitam seruare mallet . sola uxor Alcestis ea in uirum fuit caritate ac fide , ut se sponte pro eo ad mortem obtulerit . sed & eam ipsam postea Hercules liberauit . ex eo cæptum est uulgo cani Athenis σκόλιον quoddam , cuius alij Alcæum , alij Sappho , alij Praxillam Sicyoniam auctorem esse dicebant , cuius principium hoc fuit .

Αδμήτε λόγον ὦ τὰρε μαθὼν , τοὺς ἀγαθοὺς φίλει ,
Τῶν δειλῶν δ' ἀπέχε , γνῆς , ὅτι δειλῶν ὀλίγα χάρις .

Hæc autem uxor ei Apollinis beneficio uenerat . cū enim Pelias pater nuptias illius proposuisset , quo leonem et caprum ad eundem currum iungeret ; id Apollo ipse confecit . Tauros .] Callimachus , non tauros , sed equas iugales .

Φοῖβον καὶ νόμιον κικλήσκομεν , ἐξ ἔτι κείνου
Εξ ὅτ' ἐπ' ἀμφρυσῶ ξολυγίτας ἐτρεφεν ἵππους ,
Ἡΐδης ὑπ' ἔρωτι κεκαυμένος Αδμήτοιο .

Ipse deus .] post hunc uersum desideratur pentameter . nam illi , qui in uarijs libris leguntur ,

In nemora , & pastas inde referre domum : aut ,
Creditur ad mulctram constituisse prius : aut ,

Et potum pastas ducere fluminibus :
adulterini sunt. hic postremus , qui trium minime
ineptus est , in uetere quodam lib. scriptus est ad
marginem , cum hac additione , Versus Aurispæ .
Lacteus & mistus.] non dubito , quin legendum
sit , mistis : ut ad coagula ipsa referatur . Delphi-
ca Pytho.] Pytho aut Python , (utroque enim
modo dicitur) urbe Phocidis , Apollini sacra , quæ
alio nomine Delphis uocatur , & , qui uicinum a-
grum incolunt , Delphi . ac Pytho quidem , aut , quod
ibi discerentur futura ; aut , quod ibi serpens Py-
thon contabuerit : Delphi autem a Delphyne : id e-
nim uomen serpenti illi fuit , quem sagitis Apollo
interfecit . Dionysius :

Τῷ πάρα πυθῶνος θυόεν πέδον , ἢ χι δράκοντος .
Δελφῶνς τριπόδεσι θεῷ παρακέκλιται ὀλκός .

Fabula nunc ille est.] olim non homines mo-
do , sed ipsi quoque dii aperte Veneri seruiebant :
neque cuiquam amare pudor erat . nunc qui amo-
rem colit , uulgi fabula est . at quem puellæ suæ a-
mor ad ossa tetigit , mauult amare & a uulgo con-
temni , quàm sine amore deus esse . hæc quoque præ-
terissem silentio , nisi uidissem alios quosdam lon-
gissime ab horum uersuum sententia , quæ tamen
fatis aperta est , aberrasse .

Fabula.] in omnium ore ac sermonibus uersa-
tur . Horatius :

Heu me : per urbem , (nam pudet tanti mali)

Fabula quanta fui .

Geminare

Geminare pericula.] nam ipsa per se nauigatio periculosa est. at geminatur periculum, ubi bellum geritur mari. Quas femina Coa.]

Plinius libro quarto, de Cea insula loquens: Ex hac, inquit, profectam deliciarum feminis ueste, auctor est Var. Idem libro XI Telas (de bombycibus loquitur) araneorum modo texunt, ad uestem luxumq. feminarum, quæ bombycina appellantur. prima eas redordiri, rursusq. texere inuenit in Cea mulier Pamphila, Latoi filia, non frandanda gloria excogitata rationis, ut denudet femina uestis.

Ex his Plinij locis iudicauit Hermolaus Barbarus, ubicunque apud poetas Coarum uestium metio est, Ceas, non Coas, legi oportere. ego nihil temere asseuerauerim. nam & Hermolai auctoritas magna est, & argumenta, quibus utitur, firma: neque tamen librorum ueterum, quæ contra stat, contemnenda consensio; præsertim cum, bombycas etiam in Co insula nasci, idem Plinius tradat. Adde, quod Aristotelis uerba sunt e quinto περὶ ζώων ἰσότητος.

Ἐκ δὲ τούτων ζῶν καὶ τὰ βομβύκια ἀναλύσει τῶν γυναικῶν τινες ἀναπνεύζομεναι, καὶ ἀπειλὰ ὑφαίνεσι. πρῶτη δὲ λέγεται ὑφαίνειν ἐν Κῷ Παμφίλῃ Λατοῦ θυγάτηρ. sed Hermolaus apud Aristotelem quoque, ἐν Κέῳ, non ἐν Κῷ, legendum esse censebat.

Nota loquor.] aliquem notat, qui, cum aliquando seruius fuisset, postea diuitijs fretus, ad regiam potentiam peruenierit. Nemesim qui abducis.] ita emendavi e meo uetere libro: cum in-

epte antea legeretur, Nemesis quæ ducis.

IN ELEGIAM IIII.

SED Venus ante alias.] *liber uetus, ante alios placet. Sed precium si grande feras.] idem prope cecinit Antipater Thessalonicensis in quodam epigrammate, his uersibus:*

*Ἦν μὲν γὰρ τὸ χάραγμα φέρης φίλος, οὔτε θυρωρὸς
Ἐν ποσὶν, οὔτε κύων ἐν προθύροις δέδετα.* id est,
*Nam precium si grande feras, nec ianitor ullus,
Nec uinctus rigidas stat canis ante fores.*

IN ELEGIAM V.

PHOEBE faue.] *Messallinum celebrat, cooptatum in collegium xv uirorum, ad quos cura librorum sibyllinorum pertinebat. Tua templa.] sibyllinos enim libros, duobus auratis forulis conderat Augustus sub Palatini Apollinis basi. Suet. Ad tua sacra.] liber calamo exaratus, ad tua templa. Chartas uatis.] sibyllæ libros. Hæc fore credebat.] sibylla, utpote futuri conscia, iam tum credebat Romam fore, cum adhuc fumaret Troia. Cum mæstus.] Aeneas. Fundauerat.] alij, formauerat: alij, firmauerat. Sed tunc pascebant.] confer cum hoc loco, quæ scribit Propertius principio libri quarti. Impiger Aenea.] hæ sunt sortes, quas Aeneæ sibyllam dedisse dicit. Lauros uescar.] laurum enim comedebant uaticinaturi, quod iam pridem annota-*

notauerat Ludouicus Cælius.

Quicquid Amalthea.] pendet e superioribus,
usque ab illis uersibus:

Phæbe sacras Messallinum sine tangere chartas

Vatis; & ipse, precor, quid canat illa, doce.

nunc addit, non tantum doce eum, quid canat sibyl
la Cumana; uerum etiam, quicquid Amalthea,
Marpesia, ceteraq. dixerunt. ac quemadmodum
exposuerat, quid Cumana cecinisset: sic hoc loco ex
ponit, quid ceteræ dixerint: aitq. eas complexas
esse uersibus suis prodigia, quibus bellorum ciui-
lium tumultus, ceteraq. calamitates portenderen-
tur. Sciendum autem est, libros illos sibyllinos, qui
Romæ asseruabantur, non unius sibyllæ opus, sed
e plurium sibyllarum carminibus cōcinnatum quid-
dam fuisse. Amalthea.] Amaltheam & Cu-
manam eandem ex Varrone facit Lactantius: &
eam ipsam ait Demophilen, aut Herophilē uo-
cari. ut appareat, Tibullum alios auctores secutum.
Marpesia autem Solonis & Cyri temporibus fuit.
Quasq. Albana.] Albanam uidetur dicere,
quam alij Albuneam, genere Tiburtem. Perlu-
eritque.] putarim legendum, pertuleritque.

IN ELEGIAM VI.

AD latus ille uolet.] antea legebatur, ad
latus ire uolet. ego, (uerū enim fatebor,) coniectu-
ra tantum fretus, (nā ueteres libri hac quidē in par-
te cum uulgatis consentiebant) scribendum curaui,

ad

ad latus ille uolet . neque mihi ullo modo dubitan-
dum uidetur, quin ita legendum sit . Et mihi gra-
ta tuba est .] alij, et mihi facta tuba est. ego, in ue-
terum librorum discrepantia , eam scripturam secu-
tus sum , quæ mihi probabilior uisa est . Scilicet
extinctas .] legendum puto , Si licet . Lena
uetat miserum Phyrne .] sic antea legebatur .
Sed ego, quanquam uetustis libris repugnâtibus, sta-
tui legēdum Phyrne. eodem modo corruptum est no-
men hoc alicubi apud Propertiū: ut suo loco dicitur.

IN LIBRVM III.

MARTIS Romani .] Dialogus est ipsius
poetæ cum Musis sanequam elegans . Cum calendis
Martij (qui dies hodiernus est) ad mulieres mune-
ra mitti soleant, dicite, quo modo potissimum Neerā
meam debeam munerari. Tum illæ . Mittito ei uer-
sum tuorum libellum, ōni diligentia exornatum at-
que expolitū . At poeta. Immo uero uos ipsæ ite , ac
librum ad eam perferte, meq. apud ipsam in quāma-
xima gratia ponite . Versibus illa tuis .] ita
legendum est , non , ut antea, meis. Musæ enim ipsæ
loquuntur . Si nostri mutua cura est .] si,
pro , an , more græco . Vir quondam , nunc
frater .] id quo modo acciderit , coniectura satis as-
sequi non queo ; ut , qui antea uir fuerat, nunc sit fra-
ter ; idemq. speret , quæ nunc soror est , aliquādo cō-
iugem fore. nisi forte id est, quod unum mihi uenit in
mentem: Tibullum (ipsum enim esse arbitror, qui se
fictio

fictio nomine Lygdamum uocat) & hanc Nexam, quæcunque tandem est: nam hoc quoque nomen commenticium est: eos igitur fratrum aut sororum filios fuisse. Notum est autem, & eos, qui fratribus sororibus ue editi sint, fratres uocari; & inter eos olim & legitimas & usitatas fuisse nuptias. Hanc igitur sororem suam uidetur Tibullus aliquandiu in matrimonio habuisse: deinde caussa aliqua interuenisse discessio. Sperabat autem Tibullus, nuptias denuo cōglutinatū iri, idq. toto pectore cupiebat. Hoc probabilius asserre nunc quidem nihil possum.

IN ELEGIAM II.

QVI primus.] tantum dolorem esse dicit, quem capit e suo & Nexæ dissidio, ut mortem sibi ex eo imminere præsentiat. Tot mala perpeßæ.] uersus hic in quibusdam ueteribus libris legitur,

Tot mala perpeßæ tot superesse meæ: in alijs,

Tot mala perpeßæ tædia nata meæ.

ego hoc posterius uerum puto: & ita expono. Non est mihi pudor uera loqui, ac fateri, natum esse in animo meo uiuendi tædium, ex quo tot perpeßus sum mala. Dolor huic & cura.] nihil horum uerborum sententia, ut mihi quidem uidetur, aptius. sed tamen sunt, qui etiam mediæ in luce offendant, locumq. hunc, non intelligendo, corrumpant. hoc igitur dicit. Dolor & cura, quam conce-

pit

pit ex Neæra coniuge erepta, fuit ei caussa perire, id est, caussa pereundi.

IN ELEGIAM III.

QVID prodest.] negat sibi quicquam distracto a Neæra esse posse iucundum: seq. mori cupere, ni spes sit, fore, ut illa redeat. Quid prodest.] quid prodest, tam sæpe petijisse a dijs, ut tecum uitam exigere liceret, si id nunc non datur? Non opibus.] præclara sententia. cui similis est illa Varronis,

Non fit thesauris, non auro pectus solutum.
Sed in uerbo, leuantur, est homonymia. alio enim modo leuari mentes, dicimus, & alio, curas.

IN ELEGIAM IIII.

DI meliora.] detestatur somnium, quo uisus sibi erat audire ex Apolline, Neæram alterius uiri amore captam esse: ipsiusq. dei uerbis eam admonet, ne quod eiusmodi consilium capiat. Desinite in uotis.] suspicor legendum, Desinite in uanis: Diui uera monent.] in oraculis, & in extispicijs ueritas inest, non in somnijs. Venturæ nuncia fortis.] nō, uera nuncia, ut inepti exponunt: sed, exta nuncia uenturæ fortis, uera monent. Tu scis.] notum est, quantopere ea gens omni diuinorum rerum intelligentia credita sit excellere. At natum in curas.] ita est in meo uetere libro: & melius uidetur, quàm quod in alijs legitur, Et uanum

me-

metuens. Iam nox ætherium.] describit tempus illud, quo uera somnia uideri solent: ut e Theocrito & Horatio alibi docuimus. Sollicitas deficit ante domos.] qua hora ego nōdum somnum uideram, ea hora in domibus sollicitis, id est, quas incolunt naui, & industrij homines, nemo amplius dormit. Myrrhea.] ita legendum est, non, ut in alijs, Myrtea. Horatius:

Myrrheum nodo cohibente crinem.

Diuerfasq. suas.] lego, Diuerfasq. suis. Hoc alium.] ita emendavi e meo uetere libro: cum in alijs legeretur, ac alium. est autem simile loquendi genus illi Horatiano,

- alium sapiente bonoque.

& illi, Qui species alias ueris. ita enim legendum esse docuit nuper homo eruditissimus Dionysius Lābinus.

IN ELEGIAM V.

LAUDANDAE deæ.] uidetur exprimere uoluisse epitheton ἐπαινὴν, quod Græci tribuunt Persephonæ Hesiodus:

Ἰφθίμου τ' αἰδέω, καὶ ἐπαινῆς Περσεφονείης.

Homerus:

Κικλήσκουσ' αἰδὴν καὶ ἐπαινὴν Περσεφόνειαν.

Græci tamen grammati aliter id nomen interpretantur.

Cum cecidit fato.] eodem illo anno cum se natum significaret Ouidius, hoc eodem uersu usus est. ita enim scribit.

Editus

*Editus hinc ego sum: nec non, ut tempora noris,
Cum cecidit fato consul uterque pari.*

*Parcite pallentes undas.] sic supra, - pallida
Ditis aqua. in alijs, Vmbras. & sic Virgilius:
Pallentes umbras Erebi. At uobis.] inepte in a-
lijs legebatur, Atque mihi. ego mei ueteris libri
scripturam, representandam curavi.*

IN ELEGIAM VI.

*Illaq. si qua est.] libri ueteres, illaq. sic qua
ego legendum puto, illaq. sicca. Tu puer & liqui-
dum.] malim, Tu puer huc liquidum.*

F I N I S.

Epigramma

*Silicij erari quondam, nunc cul-
tor agelli.]*

*Hæc tibi perspectus templa, Pria-
pe dico.]*

Suo quibus officij si fas est,

sancæ paciscor.]

*Agellum quos prius ut ara uelis
Improbis ut si que nostrum viola-
ret agellum.]*

*Hunc tu, sed taceo scij puto, quod
sequitur.]*